

"Նամահայկական էլ. Գրադարան"

կայքի՝ www.freebooks.do.am

կողմից եւ ներկայացվում է իր

այցելուների ուշադրությանը:

The book created by "PanArmenian E. Library"



Գիրքը կարող է

օգտագործվել միայն ընթերցանության համար...

For more info: www.freebooks.do.am

ՄԱՅՑՈՒՄ ԿԱՐՈՂ ԵՔ ՁՅՔ ԵՐԿՐՈՒՄՆԵՐ ԱՐԿԵՐԱԸ ԼՅՅԱՅԱՈՒ
ԳՐԱԿԱՆՈՒԹՅՈՒՆ ՏԱՐԱԾՄԱՆ ԳՈՐԾՈՒՄ ԵՎ ԻՆՏԵՐՆԵՏ
ԼՈՒՄԻՆՈՍԿԵՆԱՆՈՒՆԵԼ ԳՐԵՐ:

Ք-ՈՒՅՆ ԳՐԵՐԻ ՄՏԵՐՈՄԱՆ ՄԱՆԸՄԱՆՈՒՆԵՐԸ ԿԱՐՈՂ ԵՔ
ԻՄՈՒՍԱՆ "ՏԱՄԱԼՅԱՅԱՆՈՒՆ ԷԼԵԿՏՐՈՆԻԿԵՆ ԳՐԱԿՈՐՄԱՆ" ԿՈՑՔԻՑ

www.freebooks.do.am

ԵՆԴՐՈՒՄ ԵՒՐ, ՈՐ ԾԳՆԱԼԻՄ ԵՔ ՄՏԵՐ ԿՈՑՔԻՑ
ՑԱՆԿՈՒՄ ԵՒՐ ԶՈՒՆԻ ԸՆԹԵՐՍՈՒՆԹՅՈՒՆ:



ԳՐԵՐ ՄԻՔ՝ freebooks@rambler.ru

Մայրամե

Գրքարան

Հրատարակ



Ժողովուրդի
Արտաբանություն

Մայրամուտ

«ՍՈՎԵՏԱԿԱՆ ԳՐՈՂ» ՀՐԱՏԱՐԱՆԿՉՈՒԹՅՈՒՆ,
ԵՐԵՎԱՆ—1984

Սիրունյան, Ղ. Տ.

Ս 555 Մայրամե: Բանաստեղծություններ,— Եր.:

Սովետ. գրող, 1984.— 128 էջ:

Մայրամեն Սառունի ազգային երգ-պար է, որը կապվում է Մարիամ անվան հետ, սակայն ժողովրդական հնչողությունը՝ Մայրամե է, և գրքի հեղինակը նախընտրել է ժողովածուն վերնագրել հարապատ մընապով ժողովրդական տարբերակին: Այստեղից էլ թընարական հերոսի հոգեկան աշխարհի մշտնջենական աղերսները հայրենի հող ու ջրի, ազգային բառ ու բանի հետ և աշխարհընկալման ավանդական հաղացքների նորովի արտահայտությունները: Ժողովրդական մտածողության և հոգեբանության հիմքի վրա են հյուսված Ղ. Սիրունյանի բանաստեղծական աշխարհի հոկիներն ու ապրումները:

4702080200 (38)

Ս ————— 84 (S)

ԳՄԴ 84 < 7

705 (01) 84

ԵՐԱՆԵԼԻ ԲԱԽՏ ՈՒ ՇՆՈՐՀ

ԾԻՐԱՆԵՆԻ

Փխրուն ուսերիդ վրա ծանրորեն
նստել է ձմեռ-հսկա թռչունը.
ինքդ քեզ եղիր խրախույս ու հենք,
քեզանից զատ ո՞վ քո երազն ունի:

Քո փոխարեն ո՞վ ամռան արվեստում
պիտի արարի լույսը քո համի,
կարկուտից առած ցավդ հազվագյուտ
ո՞վ պիտի հիշի, ո՞վ պիտի պահի:

Ո՞ր է իջնելու քո սիրո մեղուն,
որ դու չարձակես քո կանաչ գոտին,
ո՞վ պիտի հաժի անհունից անհուն
Արարատյան կեզ դժվար ճամփեքին...

Մշակիդ սիրտը, տես, բողբոջ դառել,
ապավինել է քո նազուկ ճյուղին.
նրան էլ եղիր խրախույս ու հենք,
նրանից զատ ո՞վ քո երազն ունի:

ԱՅՍ ԿՅԱՆՔՆ Ի ՎԵՐ

Լեռներն ի վեր շարքով, ինչպես գովընդի մեջ
 ծանր գնում են գյուղերը:
 Դեմը ձոր է, ծաղիկ ու ձյուն
 և առեղծված՝ ձորի, ծաղկի, առեղծված՝ ձյան,
 վերում՝ երկինք՝ հունցված լույսով ու կարկուտով,
 ցածում՝ երգեր՝ լույսի մասին ու կարկուտի:

Մեղմ գնում են գյուղերն՝ ինչպես գովընդի մեջ,
 լեռներն ի վեր, ի վե՛ր, ի վե՛ր,
 քարերի մեջ դաշված փոքրիկ, մանրանկար,
 խոտերի պես աճած-ելած խոտերի մեջ:
 Տորեն-արտում անձրևի ու քամու խաղ,
 ցորեն-հասկի խոհուն վրույց աստղերի հետ,
 և հնձվորի հոգնած ոտքեր
 և հնձվորի անուշ հայացք
 գարուկն ի վեր, աշունն ի վեր, ադս կյանքն ի վեր:

Լեռներն ի վեր շարքով, ինչպես գովընդի մեջ
 ծանր գնում են գյուղերը,
 այս աշխարհի, մեծ աշխարհի ձեռքը բռնած—
 տեսե՞ք ոնց են տանում հուշիկ
 ծաղկաթերթի ցուքի միջով,
 ցողի լույսով, արտի նախշով,
 հովվերգության ափով խաղաղ,
 թեպետ բահն է առնում քարին
 և մանգաղն է քարին վարկվում:

Երնեկ նրան, ով որ մնաց այս պարի մեջ,
Երնեկ նրան, ում սիրտը որ արնում է դեռ,
Երբ որ բահն է առնում քարին
և մանգաղն է քարին վարկվում:

ՄԱՐԴՈՒ ԿՅԱՆՔԸ

Կանգնեց ծանրորեն, հաղթ ու ամեհի,
Երկնակամարի սյան նման ամուր,
Կանգնեց քամու դեմ՝ ասաց՝ ինձնից տար,
քո տվածը տար ու էլ մի՛ օգնիր,
սրանից հետո կգնամ մենակ:

Կանգնեց քարի դեմ, քարից էլ կարծր,
քարից էլ խոժոռ, ասաց՝ տար ինձնից,
քո տվածը տար, էլ ինձ ուժ պետք չէ,
և դու էլ սրտիս վրայից ընկիր,
մի անգամ գոնե առանց քեզ շնչեմ:

Կանգնեց հողի դեմ, աստղի ու բախտի,
Կանգնեց խռոված և դժգոհ և հաշտ,
ասաց՝ դե տարեք, ինչ որ տվեցիք,
բայց, ի սեր աստծո, ինձ տվածի չափ
չտաք մի մարդու— մեկին շատ է քիչ:

Կանգնեց ծաղկի դեմ՝ ծաղկից էլ քնքուշ,
ծաղկից էլ խոնարհ, ծաղկից՝ միամիտ,
ասաց՝ քո տվածն ի՞նչ էր՝ չիմացա,
ասաց՝ ո՞ւր էիր, այս ամբողջ կյանքում
քեզ երապեցի՝ մի անգամ չեկար...

ՈՒՋԱՆՏԻ ԾԵՐՈՒՆԻՆ

Այս թևերը իմը՝ չեն, չէ,
 սրանք, լաո, որթատունկի թևեր են նուրբ,
 որ խշշում են՝ իմ ուկերից կախված հեպիկ:
 Իմ թևերը թողի էնտեղ՝
 Մարաթուկի ուխտավորաց
 շուրջպարի մեջ՝ հյուսված ամուր:
 Էնտեղ թողի նախշուն լեզուս,
 որ պրուցի իմ մանկության կանչերի հետ:
 Իմ ոտքերը Մեղրագետի ընթացքն առավ,
 տարավ մինչև աշխարհի վերջ,
 աշխարհից էլ հանեց տարավ:

Ու չիմացա, թե այս կյանքում
 ինչպես դարձա ես որթատունկ,
 Արագածի կարծրության մեջ
 շրթունքիս տապ ու հագիս՝ բուք,
 կարկուտի մութ վարկեր ուսիս
 ապրում եմ ես ու մահ չունեմ—
 թե լացս ինձ թաղեց հողում,
 երազներս հանում են վեր...



Տուն արի, ասում եք, ցրտերն ընկան,
 հանդում էլ ի՞նչ կա, որ դու չես գալիս...
 Ախ, ջատ կուկեի, որ ելնեմ ու գամ,
 ու ձեզ հետ նստեմ իրիկնահացի:

Տունս հյուր լիներ և գինի ու տաղ,
 տայինք-առնեինք գործից, աշխարհից,
 բայց դե ի՞նչ անեմ, որ այսպես եղավ,
 դուք սեղան պիտի նստեք առանց ինձ:
 ... Իրիկնապահին գալիս էի տուն,
 տեսա՝ կարկտից երկինքը կախվեց,
 մահվան պես կախվեց հանդին ու այգուն
 ու պիտի փուլ գար անխիղճ, տնավեր:
 Սրտով, մարմնով, ցավ ու երազով
 ելա կանգնեցի երկնի հանգիման,
 մնացի այդպես ու հենակ դարձա.
 երկիր-երկնքին ընդմիջտ, հավիտյան:

ՄՐՏԻ ԲԵՌԸ

Մարմինը ձյան մեջ, հոգին՝ կրակի,
 ելնում էր վերև նա դժվար ճամփով,
 քարի հետ մտած վեճի ու կռվի,
 լույսի հետ միջտ հաշտ, անձրևից՝ դժգոհ:
 Ելնում էր այդպես, գնում մի ողջ կյանք,
 մինչև որ քարը ասաց՝ հոգնեցի,
 և աստղը ասաց՝ քիչ դադար առ, մարդ,
 էլ չեմ կարող քեզ լինել ուղեկից:
 Մինչև որ հողը բացվեց նրա դեմ,
 մի պատառ երկինք փաթաթվեց նրան—
 և նա կանգ առավ խաղաղված, անքեն,
 նայեց՝ անցել է երկար ճանապարհ

ու գոհացավ շատ, ներեց ինքն իրեն,
 բաց արեց սիրտը աշխարհի առաջ...
 Եվ այդքան տարի նրա բեռն ի՞նչ էր,
 որ տարավ՝ հոգուն, մարմնին ճնշած—
 բեռը խնձոր էր, վառվռուն խնձոր,
 քաղցրիկ խնձոր և ուրիշ ոչինչ
 ու խնձոր տեղաց, իջավ գիլ-գլոր
 երկնքի խորքից թափվեց աշխարհին:

ԶԱՐՄԱՆՔ ԿՅԱՆՔ

Ես, թվում է, ապրեցի շատ,
 մի կյանքից շատ այս աշխարհում—
 մի կյանքն ի՞նչ է, մի ակնթարթ,
 որ անց կացավ դեռ իմ նախշուն
 օրորոցում,
 Մշու խորոտ խաղերի մեջ...
 Մնացածը վարմանք բան էր:

Հենց քայլ արի՝ իմ կյանքը չէր,
 և իմը չէր ճանապարհը,
 ջրի բախտ էր,
 ծաղկի, աստղի ու կրակի
 բախտ էր, որ ինձ մերթ տանում էր
 բերկրության մեջ,
 մերթ բուսնեցնում քամու թևին:
 Ես ո՞նց անցա

այդքան դժվար, ցավոտ ճանփա,
 թե ջուրն անցներ՝ ջուր չէր մնա,
 ես ո՞նց անցա,
 աստղն անցներ՝ կնոխրանար,
 ծաղիկն անցներ՝ փուշ կդառնար,
 կրակն անցներ՝ աշխարհ կայրեր,
 բան չէր մնա,
 ես ո՞նց անցա...

Իմ կյանքն ի՞նչ էր, մի ակնթարթ,
 որ ապրեցի դեռ իմ նախշուն
 օրորոցում,
 Մշու խորոտ խաղերի մեջ...
 Մնացածը պարմանք բան էր:

ՀՐԱՇՔ

Հրաշքը նաև այսպես է լինում.
 հնձվորը արտում մեռնում էր ծարավ,
 հասկերի ոսկին, հասկերի ոսկին
 կյանքի պատրանք էր աչքերի առաջ:

Հրաշք չի լինում,— ասում էր տապը,
 հրաշք էս աշխարհ,— հնձվորն էր ասում,
 որ էս քո մեջ եմ, քեզանով լցված,
 թեև քեզանից անմասն ու ծարավ:

Հրաշքը նաև այսպես է լինում.
 մի նապուկ բարդի գով շոյանք բերեց,

մի աչք-անպ եկավ կարոտի ցոլքով
ծովերի սրտից անուշ թոն բերեց:

Հրաշք չի լինում,— ասում էր տապը,
ու հնձվորի կյանքն առած գնում էր...
Հրաշքը նաև այսպես է լինում,—
հնձվորն էր ասում հասկերի միջից:

ՄԱՌԸ

Մարմինս ընծա երկրի այրումին,
հոգիս հանձնած երազին կանաչ,
անցնում էի ցուրտ օրերի միջով
անցնող-դարձողին սեր ու սիրտ պարզած:
Այն ո՞վ էր ասաց՝ երգիր, սիրելիս,
ու ես ծաղկեցի գույների պարսով,
այն ո՞վ ինձ ասաց՝ ցնծա, պար արի,
ու պտուղ դարձավ ցնծությունն իմ ծով:
Թվում էր՝ կորցրի լռությունն ու ցուրտ,
թվում էր այդպես՝ ծառ եմ ցնծության
գգվանքների մեջ, դավերից հեռու
հունիսյան շողշող ճամփեքի վրա:
Թվում էր՝ դուրս եմ եղանակներից,
թվում էր՝ նյութ չեմ, դարձա մեղեդի,
երբ Յուրտը ասաց՝ եկա, սիրելիս,
Չյունն ասաց՝ կրկին քեզ հանդիպեցի...

ԽՈՍԷ ԻՄ ՄԵՇ ԳԱԳԻՆ

Քեզնից հետո մեր աչքերին
 քո հայացքը մնաց ընծա՝
 այս աշխարհին հառած անուշ:
 Տազնապ ու սեր, արցունք ու լույս
 շաղած իրար՝ նայում ես, թե
 արեգակը սարից ելավ,
 ինչպե՞ս անցավ մեր տան մոտով,
 թե անձրևը ի՞նչ կբերի
 մեր արտերին ծարավ, տոչոր,
 թե մեզանից ով ուր գնաց,
 ով ետ դարձավ տունն իր նորից:

Քեզնից հետո Մեղրագետից
 իբրև ընծա, քաղցրիկ ընծա,
 աջդ ցոլաց ու հասավ մեզ
 մղձավանջի միջով կարծր:
 Ու տալիս ենք աջդ մարդկանց,
 բարեկամի բարև առնում,
 աջիդ ուժով կռիվ տալիս,
 գրում երգեր լուռ կարոտի,
 գինու թասեր բարձրացնում վեր,
 խենթ ցնծության հրդեհ ցանում
 ձյունների մեջ ու սառույցի:

Քեզնից հետո մեր սրտերում
 քո սրտի տաք սերը մնաց—

քո սերն ասաց՝ մի վարդ սիրիր,
այս աշխարհի վարդերի մեջ,
մի տուն պահիր այս աշխարհի
տների մեջ շեն ու շռայլ,
մի երկմտիր քո սիրո մեջ
ու ցավիդ մեջ մի երկմտիր,
քո բաժին կյանքն ապրիր հատու,
ու քարի հետ ու աստղի հետ
քո կռիվը մի մոռացիր:

ԲԱՎԼԱԴ ՄԵՐ ՏԱՆ ՄԱՍԻՆ

Տունն, ուր ծնվել եմ,
Արագածի լանջին էր,
ծիրանիների պսակի մեջ,
հայացքն Արարատի խաչելությանն հառած:

Գարնանը
մեր տունը սարքվում էր
ծաղկաթերթերից:
Ծաղկաթերթերը իջնում էին
սիրով, լույսով, ցնծությամբ,
շաղախվում քաղցրությամբ սրնգի
և թրթռուն բույրով
ծածկում ամեն նեղություն ու չարիք.

Ամռանը
մեր տան պատերը

հորեղբայրներիս
հոգնած մեջքերն էին,
դուռը հորդորն էր պապիս,
պատուհանները մորս աչքերն էին՝
սիրով, արցունքով բացված՝
դեպի տակ տնքացող
հորս հոգու վրա:

Աշնանը
մեր տունը չկար,
մասնիկ-մասնիկ լուծվում էր
հարսանյաց պարերի մեջ,
մի անանուն տխրությանը օրորվում
երջանիկ պահերի շուրջ,
գինու կեպ արբունքի նման
տարածվում էր գյուղի մարմնով մեկ,
հոսում գյուղից դուրս,
հասնում ուրիշ քաղաք ու գյուղ,
ուր էրգրից մի ծանոթ կար
ու քաղցր երազներով լի գլուխը դնում
հին բարեկամների ուսին:

Չմռանը
մեր տունը կողպվում էր
մշուշով, ձյունով, ցրտով:
Առավոտն իմանում էինք՝
պապիս խուլ էրգով
Մշո դաշտի աննման գեղեցկուհու մասին,

Քեզ պարտք եմ նաև ու շնորհակալ
 իմ չտեսած ծաղիկների համար
 և ամեն մի դժվարության համար,
 որ դու տվեցիր ինձ վստահորեն.
 ուրեմն ես քեզ հարապատ եմ շատ,
 ուրեմն ես իմ ապրելիք կյանքում
 պիտի քեզ միայն թեթևություն տամ:

Ես պիտի անցնեմ քո սրտի միջով,
 ինչպես մեղեդին պայծառ հույզերի,
 անցնեմ վշտիդ հետ, սիրուդ հետ ետ գամ,
 աչքիցդ իջնեմ իբրև արտասուք,
 վվարթության հետ ետ դառնամ կրկին
 ու որքան պարտքիս կայծերը մարեմ,
 թող նրա հրդեհն առավել ծաղկի:

ԾՆՈՐՀԱԻՄ

Ոսկետեսիլ վայրկյանի միջով
 գալիս էր երգեցիկ խումբը
 Արարատյան պսակը սիրո
 պահած գլխից վեր, գլխից վեր:

Առջևից Քարն էր քնքշաաիրտ՝
 հոգու մեջ խաչերի խլրտուն—
 քո սիրտն էր բերում Քարը:
 Քո սիրտը:

Ապա Ծաղիկն էր խոնարհ գալիս
աչքերում հապվագյուտ արցունք—
քո արցունքն էր բերում Ծաղիկը:
Քո արցունքը:

Հետո Ջուրն էր ծորում Արագածից
սիրո այրվող երակներով—
քո ծարավն էր բերում Ջուրը:
Քո ծարավը:

Եվ Ծիրանի ծառն էր գալիս
լույս ու համի ծիածանով—
քո բախտն էր բերում Ծիրանի ծառը:
Քո բախտը:

Հայրդ դեռ թաղված էր դաշտում,
ծիլը նրան աշխարհ չէր բերել,
մայրդ չէր դարձել աղբյուրից,
կժերը դեռ չէին լցվել,
սակայն կար արդեն քո կյանքը,
որպես ծննդյան թավիշ մեղեդի,
որ սփռելով անցնում էր երգեցիկ խումբը՝
Արարատյան պսակը սիրո
պահած գլխից վեր, գլխից վեր:

ՄԱՅՐԸ

Գաղթական կանանց հիշատակին

Ձյուն էր, ձյուն էր,
 արար-վարար,
 ձյունե կրակ՝
 երկինքն ի վեր, երկինքն ի վար...
 Ուժատ, մենակ հրում էր նա
 Արագածի պսակն ի վեր
 հեռվից բերած մի օրորոց՝
 ելրին վարդեր,
 ջուրջն համբարձում,
 մեջը՝ քնած
 տաղ ու օրոր,
 ցորեն ու սիրտ
 ու խրախույս:
 Սուրսայր քամին դեմը կտրեց,
 դեմը կտրեց՝ սերը տարավ,
 սովը ոռնաց մուժ ձորերից,
 մուժ ձորերից՝ տեսքը տարավ,
 մահը ելավ խանձված հողից,
 խանձված հողից՝ մարմինն առավ:
 Միայն ցավը մնաց նրան,
 ցավն ո՞ւմ էր պետք, որ տանեին...
 Ու ցավից նա հունցեց իրեն
 մի նոր մարմին
 նոթ տեսք ու սեր,

նոր ուժ ու կամք
ու քայլ արեց, հրեց կրկին
Արագածի պսակն ի վեր
հեռվից բերած օրորոցը
եզրին վարդեր
շուրջն համբարձում,
մեջը՝ քնած
տաղ ու օրոր,
ցորեն ու սիրտ
ու խրախույս:

ՄԻ ԵՐԳԻ ՉԱՓ ՈՒ ԼԱՅԻ

Բարձրիկ սարերի ուսին
գիշերն էր մեղմ օրորվում—
գիշերը շուշան ծաղիկ,
աչքին՝ քամի ու արցունք,
սրտում՝ զրույց մայրիկի
և վառարան մարմրուն:

Մի ձյունե հավք հազարան
հեքիաթներից թռավ դուրս,
այս էլ քանի օր, ամիս,
այս էլ քանի, քանի կյանք
թափ է տալիս թևերից
աշխարհին ձյուն ու մշուշ:

Երկինքը խոր, գաղտնահունց,
 գիշերը՝ ձյունե ծաղիկ—
 ոչ հասցե կա, ոչ ճամփա
 և ոչ հրաշք մի վերին—
 ինչպե՞ս ես ձեզ մոտենամ
 հեքիաթ և հավք և մայրիկ:

Ոչ մեկը այս աշխարհում
 չգիտի, թե դուք ուր եք,
 գիտի դուդուկը միայն,
 մեկ էլ երգչի սիրտը ծեր:—
 Ի՞նչ են նրանք ասում ինձ
 ձեռքերի մեջ հալվելով:

Ես գալիս եմ օրեցօր
 երգչի ծեր սիրտը առած,
 ճնշվելով երգերում,
 ճիշտ ձեր հետքով եմ գալիս,
 քայց միշտ հեռու ձեզանից
 մի երգի չափ ու լացի:

ՄԻ ԻՐԻԿՈՒՆ

Մի իրիկուն՝ լուսնալույսով,
 բողբոջներով ձյան ու լույսի,
 ամանորի քայլեր վնգուն
 երկնից իջնող ճամփաներին:

Մի իրիկուն՝ գործված նախշուն
սրինգների վվարթ ձայնով
է մի պսակ— հապարան հավք՝
մորս ձեռքին, մորս սրտում:

Մի իրիկուն՝ ծաղկած քամով,
շուրթին՝ անուշ խոսք ու վրուց—
ո՞ւր էր թռչում հավքն հապարան,
թևից թափում ձյուն ու մշուշ:
Մի իրիկուն՝ պանգակներով,
սայլը կանգնած ձևած դաշտում,
հայրս՝ կրծքին կանաչ մի վերք,
սրտից ցորեն է հորդում:

Մի իրիկուն՝ հեքիաթներով՝
վճիտ, խաղաղ սրտերի շուրջ,
և մի սրինգ, վվարթ սրինգ
ձեռքերիս մեջ համր ու լուռ:
Մի իրիկուն՝ բացված դռնով
խորհրդավոր մուտք դեպի,
ամանորի գաթան ձեռքիս
ես գնացի, ո՞ւր գնացի...



Ախր ինչպե՞ս եղավ, մայրիկ,
գյուղամիջից ես տուն չեկա:
Դու քաղեցիր թոնրի շուրթից
ամանորյա նախշուն գաթան

ու շարեցիր լուսին-լուսին
 եղբայրներին թևիկներին...
 Կարմիր տոն էր պատանուության,
 հիշատակի երգ ու երկինք,
 մեր տան ճամփան մոլորեցի,
 ախր ինչպե՞ս եղավ, մայրիկ:

Ի՞նչ ծաղիկ էր, որ քաղեցի՝
 շուրջս փոխվեց ամեն մի բան,
 Ջուրը հանկարծ կանգնեց դեմս,
 ասաց՝ ես եմ ճամփան, անցիր,
 Փուշը ծակեց, ասաց՝ ես եմ,
 Քամին երգեց, ասաց՝ ես եմ:
 Ես եմ՝ ասաց Նամեն մեկը,
 ես եմ ճամփան, մի երկմտիր:
 Ու բոլորն ինձ առան տարան...
 Ախր ինչպե՞ս եղավ, մայրիկ:

Ջուրն ինձ անեց գաղտնիքներով,
 տվեց ծարավ ու թափառում,
 այս կյանքն ի վար, այս կյանքն ի վեր,
 Քամին տվեց ցնորք ու սեր
 և արցունքի պահ վաղանցիկ:
 Փուշը պատժեց ամեն քայլիս,
 ու որ ներեց՝ Փուշն ինձ ներեց:
 ... Կարմիր տոն էր պատանուության,
 հիշատակի երգ ու երկինք,
 ախր, ինչպե՞ս եղավ, մայրիկ:



... Այդպես դու կյանքում շարժվում ես, գնում
բոլոր հուներով քո երկրի,
ջրի հետ անցնում իմաստուն ճամփա՝
դեպի խորքերն անտես, հագուրդը՝ ծարավի:
Եվ ապա հագնում ես սուվերը քանու,
սլանում օդով թռչող սերմերի հետ,
մտնում հողի դրախտ-դռներից ներս,
ապրում կռիվը հողի ու բույսի
և ապրում նրանց հաշտությունը մեծ
ու հողագործի սիրո թևերին
աշնանը միայն վերադառնում ետ:

Այն պահին, երբ մութ խորունկ ձորերով
գրտահար հոտն է իջնում Արագածից,
դու հնչում ես հովվի երգի հետ թախծոտ
որպես կարոտի վճիտ մեղեդի:

Դու դադար ես առնում հնձվորի հոգում,
պարզ պրույցներից խմում սառը ջուր
և հմուտ քարտաշների ներշնչանքում
ճաշակում լույսի նշխար մի սուրբ:
Ապա շարժվում ես խորությամբ երկրիդ,
անցնում բոլոր-բոլոր հուներով՝
ընդերքով մեր խոսքի, սիրո, կորստյան
և ըմբռնչանում ծաղկունքը բառերի...

ԿՈՄԻՏԱՍ ԱՍՏՂԸ

Ծիրանի ծառն հարս գնաց,
ճամփին ձյուն արեց,
թերթիկ-թերթիկ քողն ընկավ,
մալը ճերմակեց:

Գարնան սիրտը փուշ մտավ,
տատրակ հավուն վա՛յ,
հարսանքավոր, քո ճամփան
աշխարհից ելավ:

Կոմիտաս վառ աստղը
ցոլաց ձյուն ճամփին,
սրտիկ-սրտիկ տաղ տեղաց
ծառին ու հավքին:

Է՛Յ, ՄՈՄԻԿ ՎԱՐՊԵՏ

Միջնադարյան մի առավոտ, Մոմիկ տղան
ելավ տանից ու այլևս ետ չդարձավ,
մայրը ձայնեց, երկար ձայնեց կանգնած կտրան,
հայրը պեղեց ամեն մի ձոր ու քարանձավ,
թուխ յարի սիրտն աղբյուր դարձավ, հոսեց-գնաց,
Մոմիկ տղան ավա՛ղ չեկավ, ավա՛ղ չեկավ:

Նրան տարավ խենթ, քմահաճ քարի Ոգին,
տարավ բանտեց կարմիր տուֆի փխրուն սրտում

և ժեռ քարի կարծրության մեջ անհնարին,
 և սև տուֆի երանության խորխորատում,
 ասաց՝ ուրիշ դու կյանք չունես իմ կյանքից պատ,
 ես քո հայրն եմ, դու՝ իմ որդին՝ անսեր, անտուն:

Ասաց՝ հանիր շռայլորեն իմ քար սրտից
 այս երկրի տեսիլքները բարոյ ու վճիտ,
 սփռիր քարին որպես սիրո հայտ-ավետիս
 և ազգերին և երկնքի անհագ աչքին...
 Ասաց՝ տոկա, ճգնիր, քեզ մահ չեմ ընծայում,
 ահա ես էլ քեզ եմ գալիս՝ հլու աջիդ:

Ու բողբոջեց Մումիկ տղան քարի սրտում,
 քարի վրա ծաղկեց թերթ-թերթ, հատիկ-հատիկ—
 աշխարհում պաղ ձյուն էր իջնում, թե սև կարկուտ՝
 քարի վրա թեժ ամառ էր, լույսի ալիք...
 Մումիկ վարպետն ի՞նչ իմանար, որ շատ վաղուց
 ինքը չկա, բայց խփում է մուրճը քարին:

... Ու լուսադեմ խաչքարերի պսակի շուրջ
 թրթռում է մի առավոտ միջնադարյան,
 դեռ տքնում են, դեռ վնգում են մի սիրտ ու մուրճ,
 փարդու մի ցավ՝ այնքա՛ն խորունկ, այնքա՛ն
 խաղաղ...

Մի անուշ ձայն դարեր հեռվից կանչում է խուլ-
 Հե՛յ, ո՞ւր ես, ո՞ւր, Մումիկ տղա, Մումիկ տղա...

ՆԱՀԱՊԵՏ ԲՈՒՉԱԿ

Եկավ գյուղերի կանաչ ափերից
 և երգիչների հույզերից առատ,
 եկավ վանքերի նախշ ու վարդերից՝
 գինու գավաթը հոգու մեջ պարպած:
 Եկավ սրտերից խենթ քաղաքների,
 աստժո աշխարհի մեղրը ճաշակած,
 եկավ ու կանգնեց աստըժո դիմաց
 և լուսնի դիմաց և ձյան ու քամու,
 ասաց՝ ծարավ եմ, ու խոսքը խոսք չէր,
 ջուր էր արծաթհունչ, որ ցոլաց գնաց
 դեպի գյուղերի սիրտը հեռավոր:
 Ասաց՝ ցաված եմ, ու խոսքը խոսք չէր,
 անուշ երապ էր, որ թևեց իջավ
 քաղաքների թաց աչքերի խորքը:
 Ասաց՝ վվարթ եմ, ու խոսքը խոսք չէր,
 երգ էր մի նախշուն, տոնի պատանոկ,
 որ սիրո նման վարար հորձանքով
 աշխարհը առավ տաղ ու չափի մեջ:
 Աշխարհն իր հունով, իսկ ինքը մնաց
 հավիտյան կանգնած աստըժո դիմաց
 և լուսնի դիմաց և ձյան ու քամու
 ասաց՝ ծարավ եմ, ցաված եմ, վվարթ:



Բարդու վրա աշնան սիրտն էր
 տակավին տաք, թայրտացող...
 Ու մեկնեցին ծեր ջրվորն ու բարակ առուն
 երկնային ձիգ կածաններով...
 Մեկ հետ էին, քայլում էինք
 նույն քար-հողի սիրով խաղաղ,
 նույն քար-հողի ամենախիստ պատժին գերի,
 և հանկարծ այդ հրաշքն եղավ—
 աշխարհն ամբողջ սուլվեց մի պահ
 տեսիլքի մեջ սուրբ ցորենի,
 արտի սրտից խուլ վնգոցով ընկավ մի բահ
 ու մի ղողանջ՝ արցունքի շիթ:
 Սերովբեներ անցան օդով
 օրհներգումի ճյուղեր ձեռքին,
 սիրո նման մի լուսալիք իրիկնապահ
 որպես օծում իջավ գյուղին:

Հրաշք եղավ մի օր դարձյալ,
 կյանքը առավ ցնծության լուր.
 երկնային ձիգ կածաններով վերադարձան
 ծեր ջրվորն ու բարակ առուն:
 Վերադարձան դարձած անձրև
 ու տեղացին ինքնամոռաց
 մինչև վերջին կաթիլն իրենց, մահը մինչև՝
 դաշտերի բաց սրտի վրա:

ԲԱՐՈՎ ԵԿԱ, ԲԱՐՈՎ ԳՆԱՄ

Ծառուկ, ծառուկ, աչքերդ բաց,
 գարնան ճակատն է պարդարվել
 ծաղիկներով ու խնդությամբ,
 տես, թե ով է եկել զվարթ,
 կանգնել քո դեմ:
 Նրան սերդ է աշխարհ բերել,
 որ դու հենվես նրա ուսին,
 և պտուղդ նրա սրտում հասունանա,
 որ քո բաժին կարկուտն իջնի
 նրա թևին,
 և նա ցավի միջից երգի՝
 երանի՛ ինձ, բարով եկա:

Ծառուկ, ծառուկ, աչքերդ բաց,
 տես, թե ով է անցնում, գնում:
 Սերդ է նրան առած տանում
 աշխարհից դուրս՝ զվարթ, զվարթ:
 Նա մեկնում է
 քո պտուղով լցված սրտով,
 կարկուտներից կտորած թևով,
 քաղցրիկ լեզվով:
 Նա ասում է՝ երանի ինձ,
 ինչ որ տեսա, ինչ ապրեցի,
 բարո՛վ գնամ:

ԱՅՍԳԵՍ ՏԵՍԱ

Տեսա խոսքը՝ շուրթից հեռու,
սրտի խորքում, խանձարուրում,
շուրջը՝ լույսեր,
մեղմ հույզերի պայծառ պասկ,
ու այրվում էր, խոսքը այրվում
մի ամբողջ կյանք
անպատասխան:

Կեսօրվա դեմ տեսա վարդը,
որ գալիս էր սիրո միջից,
փշի վրա՝ պատասխանը
այրվող խոսքի:

Ես անցնելիս տեսա քարը,
որ ընկել էր մեկի սրտից,
շողում էր նա լույս ու ոսկով
ապատության թևերի մեջ
ու փախչում էր, գլորվում էր
իրեն բանտած սրտից հեռու:

Երեկոյան տեսա սիրտը,
որ գնում էր խենթի նման,
ամենուրեք որոնելով
ու ձայնելով աղեկտուր
իր թևերից ընկած քարին:

Ես չգիտեմ,
 գուցե և կար այլ ճանապարհ,
 որ ես չանցա,
 կար այլ հայացք աչքիս տրված,
 որ չունեցա,
 բայց անցնելիս իմ բաժինը,
 ինձ տրվածը
 այսպես տեսա ճանապարհիս:

ԶՎԱՐԹՆՈՑ

Առավոտի արծաթ ծաղիկ՝
 թերթերի շուրջ լույս ու թռչնի ցնծուն պսակ,
 սիրո շարժում ու մեղեդի,
 սերովբեի անուշ հայացք:
 Եվ խորություն սեր ու լացի,
 Երկրից խոր, Երկնքից խոր, խոր ու խորունկ,
 կյանքի, մահվան պրույց անձիր,
 անհնարին մի դաշնություն:
 Եվ խոտերից հյուսված տավիղ,
 և փշերից գործված լարեր՝ նուրբ, երգեցիկ,—
 ո՞վ է անտես հապար տարի
 դեռ նվագում՝ արնելով սիրտ:
 Արնած սրտից ու նվագից
 պոհված որմին դեռ խաղողն է լցվում հյութով,
 դեռ ցնծում է լույսը խաչի
 քարի մթնից— լույս սիրավո՛ր:

Ո՞վ է անտես միշտ հեռանում
 կարմիր խաչից ու ողկույզից մինչ լուսաբաց,
 ո՞վ է կրկին միշտ ետ դառնում՝
 աչք ու սրտի վրա բացված
 առավոտի արծաթ ծաղիկ՝
 թերթերի շուրջ լույս ու թռչնի ցնծուն պսակ,
 սիրո շարժում ու մեղեդի,
 սերովբեի անուշ հայացք:

ԱՇՆԱՆ ՕՐ

Գորշ անձրևների մեջ
 օշինդրը կկորցնի իր բույրը,
 քամին մոլորյալ ժամերը
 տերևների պես կքշի աջ ու ձախ:
 Ժամանակը
 պոկեպոռունկ լցված կլինի
 անձրևով. ծխով
 և կավով, որ տնքում էր մարդու պես,
 որ սահում, հոսում էր կյանքի պես,
 որ ամբողջ ամառը
 երապեց մարմին ու ձև ստանալ:
 Կլինի մեկը ճիշտ ինձ նման,
 որ այս ամենի մասին
 կուզենա երգեր գրել,
 բայց կհամբանա տեսիլքների մեջ
 ու կդառնա երգեցիկ հնչյուն

երկնքի անհուն փլվածքներում:
 Կանցնի մեկը ճիշտ իմ դեմքով,
 ճիշտ իմ քայլքով՝ հակված
 հողին ու ջրին,
 ինչ որ բան կիսատ թողած,
 ինչ որ բան չարած բնավ,
 ինձ պես՝ ուրախ ուրիշներով,
 ինձ պես՝ իրենից դժգոհ:
 Կելնի մեկը ճիշտ ինձ նման
 հասուն ու հորդուն կավի միջից,
 մրգերից, վրուցներից, գինուց՝
 գորշ անձրևների լույսով բռնկված,
 օշինդրի բույրը մապերի մեջ:
 Այս աշնան օրը՝ գույնագույն անիվ,
 նրան կտանի
 իմ ապրած սիրուն աշխարհի միջով,
 քաղցրիկ երապներիս ընդառաջ:

ԵՐԳՆ ԻՆՁ ԱՍԱՑ

Ահա բացվեց ցնծության վարդ
 իմ սրտի մեջ ու իմ կրծքին,
 և աշխարհում հրդեհ դարձավ
 ջահելության կրակ-ոսկին:
 Երգն ինձ ասաց՝
 տես, քո սիրտ գավաթը լի
 ո՞նց է հեղվում անխղճորեն
 ամեն աչքին, ամեն սրտին:

Երգն ինձ ասաց՝
 պիտի գնամ երգիչների
 բորբոք ձայնին միշտ ունկնդիր
 և իմ բաժին սիրո դավին,
 կախարդանքին՝ հոժար ու հաշտ,
 պիտի գնամ հավետ գինով
 սիրո դավից, կախարդանքից,
 ինքս իմ դեմ՝ կրակ ու ջուր,
 լաց ու ծիծաղ,
 ինքս իմ դեմ՝ արտ ու կարկուտ,
 ծարավ ու շոգ:

Երգն ինձ ասաց՝
 երբ ցնծության վարդը փակվի
 քո սրտի մեջ ու քո կրծքին,
 ես կլինեմ
 քեզնից հետո՝ մրմունջ ու ծես,
 քեզնից հետո՝ երգված երգ:

ՂՈՒԿԱՍ ՏՂԱ

Քո ծնունդից շատ առաջ է սկիզբ առել
 այն շարժումը երանելի, որ շնորհեց
 երկնի, երկրի բարդ թելերից հյուսած քեզ կյանք...
 Որ մոտեցավ քեզ նախ իբրև վտանգի ձեռք,
 ապա մղեց հոգիդ դեպի սեր ու հիացք,
 ինքը ցույց այս կյանքի սահմաններից վեր...

Դու մնացիր վարմանալի դատով դատված.
 որոնում ես կորուսյալ բախտ, դյութանք ու սեր,
 կռացել ես ոսկե բեռան ծանրության տակ,
 իսկ տերերին չես գտնելու երբե՛ք, երբե՛ք:
 Դեռ տանում ես դաժան բեռդ սիրով ու հաշտ,
 թեև գիտես՝ բեռիդ ոսկուց մաս չկա քեզ...

Այս աշխարհում միայն մեկը կա, մեկը, որ
 պիտի տեսնի քո արցունքը, քեզ սատարի,
 երբ էլ լինի, պիտի գնաս դու նրա մոտ,
 ողջ, թե մեռած՝ գնաս, բախես նրա սիրտը,
 ասես՝ օգնիր Արարատյան ծիրանի ծառ,
 այս անգամ էլ սիրուդ լույսով պսակիր ինձ:

ԽԱՂԱՂՈՒԹՅՈՒՆ—ԾԱՂԻԿԸ

Վերջին մեծ պատերազմից հետո
 մեր տանը,
 մեր երկրում,
 մեր մոլորակի վրա
 ժամանակը փշրվեց երեք մասի,
 բոլոր անցքերը,
 կյանքերը,
 վերքերը, մահերը,
 բոլոր երկրային,
 անգամ երկնային
 եղած ու չեղած բաները

երեք նոր հասցե՝ ստացան—
պատերազմից առաջ,
պատերազմի ժամանակ,
պատերազմից հետո:

Վերջին մեծ պատերազմի,
ծծումքի ու մահվան բերանից
մեր տանը,
մեր երկրում,
մեր մոլորակի վրա
փրկվեց մի փոքրիկ, աննման ծաղիկ,
և ծաղիկը պսակեց հորեղբորս հիշատակը
ու նա դարձավ ծաղիկ-լոհ,
և ծաղիկը պսակեց
հորեղբորս որբուկին
ու նա դարձավ ծաղիկ-մանուկ,
և ծաղիկը պսակեց համայն աշխարհը
ու նա դարձավ ծաղիկ-աշխարհ...

Վերջին մեծ պատերազմից հետո,
այժմ,
այս պահին,
հնարավոր է վերացնել, ջնջել
ժամանակը,
բոլոր անցքերը,
կյանքերը, վերքերը
մեր մոլորակի վրա
և բոլոր երկրային

նաև երկնային
 եղած ու չեղած քաները
 այլևս հասցե չեն ստանա,
 քանի որ դա կլինի
 ամենավերջին անցքը
 մեր մոլորակի վրա
 և չի փրկվի փոքրիկ ծաղիկը,
 որ պսակի մեզ,
 չի փրկվի մեր տունը,
 որ թսակվի.,,
 Իսկ հիմա այս ամենը
 ես կասեմ այնպես,
 ինչպես հավատացած եմ,
 որ պետք է լինի.
 — ոչ այժմ,
 ոչ երբևէ
 հնարավոր չէ վերացնել, ջնջել
 ժամանակը,
 բոլոր անցքերը,
 կյանքերը, վերքերը
 մեր մոլորակի վրա,
 քանզի միշտ կյանքը հաղթել է մահին,
 քանզի այս հողում է միմիայն աճում
 խաղաղություն— ծաղիկը
 վորավոր,
 արդար,
 ամոքիչ:

ԵՐԱՆԵԼԻ ԲԱԽՏ ՈՒ ՇՆՈՐՀ

Ա.

Այս աշխարհում,
 մեծ աշխարհում
 ունեմ մի ծառ ծիրանենու,
 վրան՝ պտուղ ոսկեղենիկ,
 շուրջը ամառ, տապ ու կրակ,
 անցած ձմռան ջարդված սրեր
 ու խաս հավքի պոկված փետուր,
 պոկված դալլայլ խոտերի մեջ,
 քարերի մեջ, աստղերի մեջ
 ու բախտիս մեջ:

Ունեմ մի ծառ ծիրանենու,
 որ ծաղկուս է հարսի նման,
 մոր պես անուշ, լուռ ծերանում
 ու հոր նման կրակ դառնում
 ձմռան ցրտին:

Ի՛նչ ծանր սեր,
 երանելի բախտ ու շնորհ՝
 լինել տերն ու մշակն հյու
 տոհմիկ տրված գեղեցկության,
 նրա անուշ տեսքը առնել
 աչքերիդ մեջ,
 համը՝ հոգուդ,

այդպես գնալ ճանապարհոյ
այս աշխարհուն
խոտի միջով, քարի միջով,
երգի միջով ու աստղերի:

Բ.

Ես ինչպե՞ս եկա, ի՞նչ ճամփա էր, որ
հմայեց, բերեց, ու ես կանգնեցի
խոտերիդ կողքին, բուբ ու քամուդ դեմ,
որձաքարիդ դեմ, լույսիդ ու հացիդ:

Ես ինչպե՞ս եկա, այդ ի՞նչ ճամփա էր,
որ ինձ պարզեց մի երկրորդ հայացք,
ու ես տեսա քեզ, երկիր Հայաստան,
շուրջս, վերևում, կողքիս, իմ դիմաց:

Որ ես տեսա քեզ խոտերիդ աչքով,
քարերիդ աչքով, քամուդ, աստղերիդ,
դե ապրեցրու ինձ նրանց կյանքով,
նրանց նման էլ դատիր ու ներիր:

Գ.

Ծաղիկն ինձ ասաց.
քո նախատանն է ժպտացել մի օր
քնքշագին սրտով,
նրա ժպիտն է առել իմ սրտին,
և ես՝ հասարակ, անանուն խոտս
դարձել եմ ծաղիկ այս աշխարհի մեջ:

Ծաղիկն ինձ ասաց.

ամեն Ապրիլին կելնեմ ես հողից
առավել քնքուշ, առավել բուրեղ
ու չեմ երկնչի

ձյունից, կասկածից, մետաղից, մահից,
քանպի ամեն ինչ տեսել, տարել եմ
և նորություն չէ ոչինչ ինձ համար,
ընդհակառակը, ինձ՝ ծաղկիս համար
այս դժվար երկրի պատմության բովուժ
նորությունը լոկ ծաղիկի կյանքն է:

Պ.

Ցորենն ինձ ասաց.

քո նախապապը ինձ գտավ մի օր
խոտ ու փշի մեջ անանուն ընկած:
Նրա ձեռքը իմ սրտին ցոլ տվեց
ու կրակ-ոսկի դարձրեց կյանքս,
ապա օժեց ինձ սուրբ նշաններով,
խորհուրդներով թանկ
ու տարավ դրեց աստղերի թագին:

Ցորենն ինձ ասաց.

հագեցիր ջրից, անձրևից՝ երբեք,
դողա պաղ սրտից, կարկուտից՝ երբեք,
ձյունից, կասկածից, մետաղից, մահից
մի սարսիր բնավ, նրանցից բարձր
համասփյուռ, պայծառ
ցորեն-պապերիդ աչքն է թեպ նայում
աստղերի թագից:

Ե

Ջուրն է ցոլում հորդ, իսկ դու, արեգակ,
ինձ խարկեցիր շեկ քարափի վրա,
ջուրն է ցոլում հորդ ձորի մեջ անտակ,
ես վերում խոտ եմ, կարոտ ու ծարավ:

Ո՞վ ինձ պարզեց այսքան մեծ շնորհ,
որ թե քար լինեմ, լինեմ արտից դուրս,
որ թե բուք լինեմ, սարերում վայեմ,
ծաղկած դեղձենուց հավիտյան հեռու:

Զ.

Անանուն գրիչ,
ի՞նչ շնորհով ծաղկեցիր
այս հողն ու քարը,
որ ամենասաստիկ կարկտից հեռո էլ
դեղձենին պահում է
իր աննման պտուղների հուշը
և ճյուղերին տերևներից շատ
երազներ են կանաչում:
Անանուն գրիչ,
այդ ի՞նչ անհնար կորացմամբ ու տեսիլքով
ծաղկեցիր մեր երկինքը,
որ այս սոսկալի ժամանակում
մահաբեր ծխի ու փոշու ամպեր չլինեն,
և աղջիկն ուխտի գնա Արայի սարը

անաղարտ մի անձրև բռնած իր գլխին:
Անանուն գրիչ,
նաև այս ասա, այդ ինչպե՞ս ծաղկեցիր
մեր բաժին արեգակն ու սառույցը,
որ Լեռան մարմինը խաշվի քուրայում,
իսկ սրտի սառույցը չերերա անգամ:

Է.

Աղջիկները ակից էլ ջուր չեն տանում,
ես կանգնեցի ջարդված կժերի մոտ,
կանչեցի նրանց անուն առ անուն,
ձեռքիս ծաղիկներ, սրտումս՝ երգող մոգ:

Կանչեցի նրանց անուն առ անուն,
ասացի եկեք, տեսեք ի՞նչ ջուր է,
այս ջուրը Անի քաղաքն է գնում,
դե եկեք անցած օրերի միջից,
վարդարեք սիրո աղբյուրը վնգուն:

Կանչեցի նրանց անուն առ անուն,
ո՞վ իմ ձայնն առավ, ո՞վ ձայն տվեց ինձ
սարերի ցրտում, դաշտերի մուժում—
բայց այս ո՞ւմ լացած արցունքն է այտիս,
և այս ո՞ւմ խոսքն է ջուրթիս բողբոջում:

Ը.

Ես անցնում էի քարերի միջով,
 մի քարը տուն էր՝ ծաղկի պես բացված,
 մեկն ավերակ էր՝ վրան արյան քող,
 քարը քարին հանգ՝ թեթև, սրբատաշ:
 Ես տեսա մարդկանց կիպ կպած իրար,
 ուս ուսի տված սարը շուռ տալիս,
 մարդը մարդուն հանգ, մարդը սարին հանգ,—
 օրն էր արևոտ, և աստված՝ բարին:

Թ.

Ես տեսել եմ անձրևի լաց
 ուշ աշնանը, դաշտերի մեջ—
 փլվել էր նա խոտի մոխրին
 ու լալիս էր գիշեր-ցերեկ:
 Մի գեղջուկ մարդ ծեր, խորշոմած,
 ձեռ ու ոտը՝ խախտած սյուներ,—
 բավ էր մի թույլ քամի, որ այդ
 մարդ-տերևին առներ-տաներ,—
 մի գեղջուկ մարդ սփոփում էր
 նրան երգով «Վարար անձրև,
 ինչո՞ւ եկար աշուն օրով,
 խոտն հարուստուն հո չի՞ առնի,
 ամառն ամբողջ խռով եղար,
 բայց ես քեզ հետ հաշտ եմ էլի,
 ես չեմ լինի եկող գարուն,
 բայց դու, անձրև, գարնանն արի...»:

Ժ

Տարիքիս լեռը ելնելիս
 քայլ-քայլ, երազ-երազ
 ես հասա մի օր քաղաք Երևան՝
 մեր սիրո պես դրված պատմության բաց,
 կանաչսիրտ դաշտում,
 մեր հրաշատես տեսիլքների մեջ,
 մեր ամենանուրբ խոհերի խորքում:
 Երկնից այնպիսի արև էր վառում,
 որպիսին չունեն մեծ քաղաքները,
 լոկ դաշտերն ունեն՝
 ծաղիկ ու ցորեն երկնելու համար
 և սարերն ունեն՝
 ծաղիկ ու ցորեն խանձելու համար:
 Բայց ինչպես մանկան
 երազ-գոյությունն աղջկա ներսում՝
 վազքի ու ծխի կարծրությամբ փակված
 ձյութ-ասֆալտի տակ
 խլրտում էին մանուշակները:
 Այդպես էլ անցա մանուշակների շնչոցների
 ու փողոցների շփոթի միջով
 գնացի քայլ-քայլ, երազ առ երազ...
 ... Մի մարդ շուկայի թոհուբոհի մեջ
 գնում-գալիս էր՝ ձեռքին՝ մանուշակ,
 դեմքին նստած էր պղնձյա փոշի,
 մեջքին ճոճվում էր սրի ամրակապ,
 իսկ սուրը չկար:

Այիքը նրան մերթ հեռացնում էր,
 մերթ ի հայտ բերում: Ես ճանաչեցի,
 Արգիշտին էր նա, մեծապոր արքան,
 որ Երևանի վարդապույնի մեջ,
 մեկնում էր քայլ-քայլ
 և մոտենում էր երազ առ երազ...

Ի.

Գնում եմ դարձյալ,
 սակայն իմ ճամփան դանդաղ է շարժվում
 երկրի վրա, ինձ տրված կյանքում
 երբեմն իջնում է խորքը պատմության,
 ոլորվում անցած փառք ու կորստի
 խորխորատներով,
 ապա վեր միտում դեպի երգերի ու աղոթքների,
 լույսի ճառագման ակունքն երկնային:
 Քանի շերտ ունի հողդ, Հայաստան,
 և քո ժամի մեջ քանի տարի կա:
 Մեր կյանքն էլ ահա, երևույթիդ պես
 չի լինում ուղիղ, չափած ու գծած այսերկրային
 կյանք:
 Դրա համար էլ բնավ չիմացա
 հողագործ հորս տարիքը ստույգ,
 չիմացա նաև, թե ինչու բախտը
 մերթ մոտենում էր շոշափելու չափ,
 մերթ հազար տարով հեռանում ինձնից:
 Քանի շերտ ունի հողդ, Հայաստան,
 և քո ժամի մեջ քանի տարի կա:

Գնում եմ դարձյալ,
անցնում քո ճամփով դժվար ու խրթին,
երբեմն իջնում եմ խորքը պատմության,
ուրբվում անցած փառք ու կորստի
խորխորատներով,
ապա վեր միտում դեպի երգերի ու աղոթքների,
լույսի ճառագման ակունքն երկնային:
Դե պարզևիր ինձ քո շնորհը թանկ՝
ճամփորդիդ համար քո իսկ սահմանած
Դատն ու Ներումը:

ՄԱՅՐԱՄԵ

Ի՞ՆՉ ԱՍԱՑԻ, Ի՞ՆՉ ԱՍԱՑԻՐ

Ինչպե՞ս եկար, ո՞ւր էիր գնում—
բան չասացիր,
ձեռքիդ՝ ծաղիկ, շուրթիդ՝ ծաղիկ,
ես ի՞նչ ասի, որ մնացիր,
բան չասացի:

Մի ոսկե օղ գտա ճամփիս
ու քեզ սրտանց ընծա տվի:
Ես ի՞նչ ասի, որ վերցրիր,
ես ի՞նչ ասի, որ ժպտացիր—
բան չասացի:

Անձրև եկավ տաք ու անուշ;
տաք ու անուշ մեզ ողողեց,
ի՞նչ էիր կորցրել մութ գիշերով,
որ փնտրեցիր մի ամբողջ կյանք
իմ սրտի մեջ—
բան չասացիր:



Բաց թող, ասացիր, վարդի թուփը,
բաց թող անձրևի թելերը բարակ,
աշխարհը մեծ է, ճամփաները շատ,
հույզերը՝ առատ, աստղերը՝ շողշող,
գնա, ասացիր, ուր էլ որ գնաս,
կունենաս երազ ու վայելք գերող:

Բայց վարդի թուփը ասաց՝ մոտեցիր,
աշնան միջից ասաց՝ մոտեցիր,
մոտեցիր՝ ասացին թելերն անձրևի,
ձյան միջից ասացին՝ մոտեցիր:

Բաց թող, ասացիր, ձեռքս բաց թող,
բաց թող պատրանքի թելերը նրբին,
անցիր այստեղից անցորդի նման,
ուրիշի այգով հմայված անցիր,
գնա քեզ համար, ուր էլ որ գնաս՝
կորուստը կորուստ է, գտածը՝ գտած:

Բայց քո ձեռքը ինձ կանչեց՝ մոտեցիր,
անցյալի միջից կանչեց՝ մոտեցիր,
մոտեցիր՝ կանչեց պատրանքը չքնաղ,
այս մեծ աշխարհի բոլոր ճամփեքից
և երազներից, վայելքներից տաք
ինձ քո՝ պատրանքը կանչեց՝ մոտեցիր...



Արև էր, արև կանաչ-կարմիր,
 իմ կյանքի վրա վարդերի ցուլք էր,
 նրանից էր, որ աշխարհում կայիր—
 բայց ես չիմացա, իմ սիրտը գիտեր:

Անձրև էր, անձրև երազի նման,
 իմ ճամփի վրա մշուշ էր կիտվել,
 դու եկար անցար տենդի պես գարնան—
 բայց ես չիմացա, իմ սիրտը գիտեր...

ՄԱՅՐԱՄԵ

Աստծո դրախտ աշխարհում
 մի ծաղիկ էր ծիլ տվել,
 ո՞վ իմացավ՝ ի՞նչ ծաղիկ,
 քան զծաղիկն՝ առավել...

Սիրտն ի բուլոր թունդ մեղր,
 սիրո մեղր տնավեր,
 ինչ սիրո խա՛յթ, սիրո դե՛ղ,
 քան սիրո համն՝ առավել...

Բախտի շողք էր հոգեհան,
 որ ցուլաց այս կյանքից վեր,
 ի՞նչ շնորհ էր ինձ համար,
 քան ողջ կյանքս՝ առավել...

Երնեկ նրան, ով հետո,
ցավիս պիտի դառնա տեր,
էն ի՛նչ ցավ էր, ի՛նչ մեծ ցավ,
քան բերկրանքը՝ առավել...

Աստծո դրախտ աշխարհում
մի ծաղիկ էր ծիլ տվել,
ո՞վ իմացավ՝ ի՞նչ ծաղիկ,
քան զծաղիկն՝ առավել...

ԱՅՍ ԱՄՌԱՆ ԳԻՆԸ

Այս ամառվա
ամեն պահը ոսկե հուլունք,
տաք, շողջողուն մի ոսկեշար,
մի ոսկեշար՝ քո վզի շուրջ:

Ինչ ամառ է, ինչ տապ ու միրգ,
շուրթիս վրա՝ հասուն ծիրան,
հենց որ լեզուս շարժեմ՝ քաղցրիկ
երգ է թափվում սրտիդ վրա:

Իմ աչքերին անպ-հոզանի,
քո ձեռքերում՝ աստղիկ ու վարդ,
մի ճամփա է, մի ճար է ինձ՝
անձրև-անձրև իջնեմ վարար:

Քուցե իրա՞վ անհնար է,
վայելքի մեջ մնալ այսքան,
ախր այսպես ծաղկած մի սեր,
ախր այսքան հասուն ծիրան:

Քանի աղբյուր հոսեց-գնաց,
դեռ կով, անուշ կանչում ես դու,
մի՞թե սիրո հրաշքն այս թանկ
պարզևել ենք մեկս մեկու:

Ինչ ամառ է, ինչ օր ու սեր,
կախարդանքի անխիղճ շրջան,
ափսոս, որ այս ամռան գինը
աշունն իջնի՝ նոր կիմանամ:

ՄԻ ԱՍԱ

Մի ասա, որ դու եկել ես,
ախր ես կա՛մ, կա՛մ...
որ եկար,
մի ասա, թե կյանքս դարձրիր
սիրո շրջան, ջրի հորդուն՝
կանչ ու պտույտ ու մեղրի ձայն,
որ բերեցիր աստղերի շարժ
սրտիս վրա ու բախտիս մեջ:—
Թող վարդենին քո փոխարեն
բույրով խոսի,

թող աստղի աչքն ամպից ցոլա,
քո փոխարեն լույսով խոսի,
անցնի գարուն, ամառ, աշուն
ու մոռանամ ես իսկապես,
որ երբևէ դու չես եկել,
այլ եղել ես իմ կյանքի մեջ:

Մի ասա, որ պիտի գնաս,
թող վարդենին քո փոխարեն
խամրի հանկարծ,
աստղի աչքը լցվի ամպով
քո փոխարեն,
ու մի անխիղճ անձրև տեղա
սրտիս վրա ու բախտիս մեջ
գարուն, ամառ, աշուն,
հավետ
ու մոռանամ ես իսկապես,
որ երբևէ ես եղել եմ
քո կյանքի մեջ:
Մի ասա, որ պիտի գնաս,
ախր չկամ, որ գնում ես...

ԵՍ ԳՈՂ ԵՂԱ ՀԱՎԻՏՑԱՆՍ

Օրը՝ օրին,
օրը՝ օրին
իջնող պսակ ծաղիկների...
Ես գոհ եղա հավիտյանս

ինձ շնորհված լույսից, գինուց
և հույզերից և խոսքերից, -
որ ծաղկեցին իմ կյանքի մեջ
սիրո ուժով ու հաճությամբ:

Օրը՝ օրին,
օրը՝ օրին
իջնող պատրանք ծաղկաթերթի,
իմ այս բաժին աշխարհի մեջ
թե երգ եղավ՝
քո մասին էր,
ուրախ-տխուր՝ քո մասին էր,
կրակ եղավ՝
իմ այրվելն էր,
թեժ թե մարմանդ՝ իմ այրվելն էր:

Օրը՝ օրին,
օրը՝ օրին իջնող փաթիլ,
օրը՝ օրին ծալ-ծալ բացվող
ձմռան խորքեր...
Ես գոհ եղա հավիտյանս,
որովհետև երազեց ինձ մի քնքուշ սիրտ,
և ուղեկցեց մի լույս-հայացք
հրաժեշտի անհուն տապով:
Ինչ որ թոշնեց իմ կյանքի մեջ,
թոշնեց միայն
սիրո ուժով ու հաճությամբ:

ԱՂՋԻԿԸ

Աղջկա սիրտը կրակ ընկավ,
 բոցը բռնեց աշխարհի,
 մտավ ջուրը՝ ջուրը եփվեց,
 ափից ելավ,
 սուկվեց գարնան նախշերի մեջ,
 գարունն եռաց, դարձավ ամառ,
 դիպավ կանաչ մի սրտիկի,
 խեղճ սրտիկին մաղվեց ծաբավ
 իսկ ինքն անցավ
 երանելի խորշակի պես,
 գնաց, գնաց լույս ու ստվեր
 աչք ու կարոտ շաղած իրար:
 Իսկ երբ եղավ, այնպես եղավ,
 որ աղջկա տոթ աչքերից մի կաթ արցունք
 ցոլաց ընկավ գիշերվա մեջ,
 իր ցանած ողջ կրակները մեկ-մեկ մարան,
 ինքը մնաց բոցերի մեջ
 ախ, սիրելի և աննման՝
 կրակե վարդ, կրակե սիրտ, կրակ արցունք:

ՀՈՒՎԻՍ

Ծիրանը վառվում է ծառին
 հուլիսի տաք ոսկին վրան—
 ով տեսնի՝ թող չերկմտի,
 քաղի սիրով,

ինչ իմանաս, այսպիսի բան
 մեկ էլ ե՞րբ է դեմդ գալու,
 մեկ էլ ո՞վ է քեզ պարզելու
 այսքան քաղցր սեր ու գորով:

Կարմիր վարդը աղջկա ձեռքին
 բացվել է՝ փողփողուն կրակ՝
 հրեշտակի համբույր վրան—
 աստղի բան է,
 պիտի քաղես՝ ձեռքդ արնես
 և քաղելու կսկիծն զգաս
 ու հրճվանքը,
 թե չէ հոգիդ պիտի արնի
 հավիտյանս:

Սա հուլիսն է՝ թռչող պարտեզ,
 գործված կանաչ-կարմիր թելով,
 կանաչ կարմիր խաբկանքներով:
 Այս պարտեզը
 մի անգամ ենք մտնում կյանքում,
 լույս մի անգամ,
 երբ ծիրանն է վառվում ծառին
 հուլիսի տաք ոսկին վրան,
 երբ կարմիր վարդն աղջկա ձեռին
 բացվում է՝ փողփողուն կրակ՝
 հրեշտակի համբույր վրան,
 երբ
 ավաղ,

երիցս ավաղ,
երկմտանքն է մեզ պաշարում
լոկ մի անգամ,
հենց այս անգամ:

ՄԻ ՆԵՐԻՐ ԻՆՁ

Փուշ,
մի ներիր,
որ իմ ճամփին ես չտեսա
քո սրտիկը
քո իսկ սիրո փշերի մեջ,
ուր գնացի
չտեսա քո վառ աստղիկը
կախված ճամփիս:
Գիտե՞ս քանի բախտի աստղեր
ինձ լքեցին:

Փուշ,
դարձյալ դու մի ներիր ինձ,
որ քո ծաղկից չեմ քաղել ես,
որ չեմ առել քո խոսքերից,
դրա համար պատժվել եմ.
Գիտե՞ս քանի-քանի ծաղկի
չհասկացա,
քանի սիրո կողքով անցա
չհասկացված:

Փուշ,
երիցս մի ներիր ինձ,

որ չեմ սրբել քո արցունքը,
 գիտե՞ս քանի
 անգամ է իմ ձեռքը արնել
 ծաղկի այտին,
 որքան հեռու է ինձ քշել
 սիրո թավիշ արտասուքը:

ԵՐԵՎԻ

Երևի տուն էի գնում
 ու ճամփիս քեզ հանդիպեցի,
 երևի չասացի ոչինչ,
 որ դու ինձ հետ քայլ արեցիր:
 Երևի ձմեռ էր շուրջը,
 ցրտից լալիս էին մարդիկ,
 երևի աչքս ծաղկած էր,
 որ ես քեզ կոչեցի ծաղիկ:
 Երևի դու ես դեռ կանչում,
 որ ունկս լցվում է երգով,
 երևի այսպես էլ մնամ՝
 նստած քարի, պաղ սրինգով:
 Երևի... Ի՞նչ ասեմ, ախր,
 այս երգն էլ այսպես եղավ,
 մեր ճամփի պես մի քիչ ոլոր,
 մեր սիրո պես մի քիչ շեղված...

ԿԱՆԱՋ ՕՐ

Կանաչ շշուկ, կանաչ անձրև
 ու կանաչ սեր հեղված իմ շուրջ,
 ես՝ ելման գետ, ոչ խոսք ունեմ,
 ոչ ճանապարհ և ոչ կամուրջ:
 Ելնում եմ վեր՝ սարեր, սարեր,
 սարեր, սարեր իջնում եմ ցած,
 ով ինձ տվեց այսպիսի սեր
 ու այսպիսի համառ ընթացք:
 Վարդն ինձանից պոկ չի գալիս,
 հետևում է սրինգն անուշ,
 ուր գնացի՝ խոցեցին ինձ
 քնքուշ մի երգ ու մի սուր փուշ:
 Հենց ձեռք պարպեմ գիտեմ իսկույն
 անձրևը շուր պիտի դառնա,
 թե սիրտ պարպեմ, շշուկն, ավաղ,
 ոսկե դաշույն պիտի դառնա...
 Կանաչ շշուկ, կանաչ անձրև
 ու կանաչ սեր հեղված իմ շուրջ—
 ես՝ ինքս իմ մեջ ելման մի գետ,
 նախշուն մի երգ ինձանից դուրս:

ԻՆՉՊԵՍ ԱՆՈՒՇ ՀՈՐԻՆՎԱԾՔ

Երկինքն ի վար
 շողշող անձրև է կախվել,
 ինչպես անուշ հորինվածք:
 Ո՞վ էր դրել, տեր աստված,

կյանքս կանաչ պտույտում,
 շուրթս՝ սիրո խոսքի մեջ,
 որ ուր հասա՝ քեզ դարձա,
 որ ինչ ասի՝ եղավ երգ:

Մի ձեռք, լուսավոր մի ձեռք,
 վառվեց տավղի լարերին:

Ինչպե՞ս եղավ, չիմացա,
 ինչպե՞ս եղավ, որ հանկարծ
 կյանքը հագավ վառ ծաղիկ
 ու հեռացավ քո քայլքով
 գարնան փափուկ դաշտերից:

Մի ձեռք, լուսավոր մի ձեռք,
 վառվում է դեռ լարերին:

Երկինքն ի վար
 շողշող անձրև է կախվել,
 ինչպես անուշ հորինվածք—
 այսքան ճամփա գնացի՞
 աշխարհն աչքիս չփոխվեց,
 նույն պատկերն է հոգուս դեմ.
 կյանքս կանաչ պտույտում,
 շուրթս՝ սիրո խոսքի մեջ:

Մի ձեռք, լուսավոր մի ձեռք,
 ինձ է կանչում տավղի խորքը սուսվելով:

ԼՈՒՍԱՍՏՂ—ՆՇԱՆԻՍ ՄԱՏԱՆԻ

Լուսաստղ—նշանիս մատանի,
 քեզ ես եմ կորցրել
 պաղ ջրերի ափին,
 ջահել օրերիս,
 երբ դեռ խոսք չկար ասելու,
 երբ սերը դեռ Վգույշ հայացք էր,
 հույս ու շփոթմունք էր,
 երբ դեռ տունս ջրերի վրա
 խաբկանքի ճոճք էր՝
 ջահելության թեթև երկինքը վրան:
 Ես լսում եմ դեռ
 քո կորստյան ոսկե Վնգոցը
 քարերի մեջ,
 և այրում է դեռ հիշողությունս
 քո կորստյան ոսկե փայլը:
 Լուսաստղ—նշանիս մատանի,
 ցոլա դեպի
 արջալույսի վարդամատը:
 Ինձ կարթնացնի դարձյալ սերը
 փափուկ դաշտի մեջ,
 որպես կանաչ սիրի-սիրի
 ու կկնքի սիրտս դարձյալ
 անմեկնելի զաղտնիքներով:

ԱՇՈՒՆ

Աղջիկը կանգնեց խնձորենու մոտ
ու մի գիշերում խնձորը հասավ,
մի քաղցրութուն, ախ, այնքան ծանոթ
գիշերը թաքուն աշխարհը առավ:

Այդ մի գիշերում ինչպե՞ս պատահեց,
ես այգուց ելա հեռացա այնքան,
որ ետ դառնալս կոչվի անպատեհ
և երգելս ինձ մնա սփոփանք:

Խնձորի բույր է օդի մեջ լցված,
խնձորի վարկի սուր ցավ է սրտիս,
այն գիշեր որքա՞ն անձրև տեղաց,
որ մի ամբողջ կյանք ջուրը տարավ ինձ:

Ինը խնձորի վարկն էր անամոք
և այն վարմանքը՝ թե ինչպե՞ս եղավ,
աղջիկը կանգնեց խնձորենու մոտ
ու մի գիշերում խնձորը հասավ:

ԽՆՁՈՐ ԵՍ ԿԱՐՄԻՐ, ԿԱՐՄԻՐ

Խնձոր ես, հասել ես՝ կարմիր, կարմիր,
նախշուն, սրսփուն քո ճյուղի վրա,
քեզ քաղելը մեղք է, չքաղելը՝ մեղք ավելի
այս կանաչ-շռայլ սիրո մեջ ամռան:

Խնձոր ես, հասել ես՝ կարմիր, կարմիր,
բայց քո ճյուղը քեզ այդ ո՞ւմ է պարպում—
գնալդ մեղք է, պահվելդ մեղք ավելի,
երբ կեսօր է ու արևը ինչ որ բան է ասում:

Խնձոր ես, հասել ես՝ կարմիր, կարմիր—
տես, աշխարհում քեզ փնտրում է մի շեղք,
թեև գիտի՝ մեղք է քեզ չգտնելը,
իսկ գտնելն անշուշտ մեղք է առավել:

ՄԻ ԱՆՑՈՐԴ ՄԱՐԴ ԽՄԵՑ, ԳՆԱՑ

Ամառն անցնի՝ աշնան մի օր
կգամ ձեր տուն,
կասեմ՝ այսպես, տարին բոլոր
աշխատել եմ, բայց ապարդյուն,
իմ ծառերը միրգ չտվին,
իմ վապերին խաղող չեղավ,
կասեմ՝ անուշ մրգեր տուր ինձ
և խաղողով պատվիր մի լավ:

Բայց դու կասես՝ ուշ ես եկել,
միրգը պոկեց անցորդ մի մարդ,
իսկ խաղողը կարասի մեջ
եփվում է, որ գինի դառնա:

Ես կգնամ աշնան օրով
քո քաղցրությանն այնպես կարոտ:

Աշունն անցնի ձմռան մի օր
նորից կգամ,
կասես՝ այսպես, կյանքը անցավ,
մի գավ գինի ես չունեցա,
պատվիր դու ինձ դառը գինով:

Բայց դու կասես՝ ուշ ես եկել,
շատ ուշացած,
գինին եփվեց իմ սրտի մեջ,
մի անցորդ մարդ խմեց, գնաց:

Ես կզնամ ձմռան օրով
քո դառնությանն այնպես կարոտ:

Ի՞ՆՉ. ԻՄԱՆԱՍ ՔԱՆԻ ԱՆԳԱՄ

Ջուրը գնաց,
արմատների, տերևների միջով անցավ,
նրա ետքից
ծարավների տեսքով ելան ծառ ու ծաղիկ
և հազեցան ջրի ձայնից:

Ջուրը գնաց...
Այն ի՞նչ եկավ ջրի տեղակ, ջրի նման
հորձանք տվեց
ու հոլովվեց ծարավների սրտերի մեջ
ջրի նման, ջրից ավել...

Դու գնացիր
ջահելության ոսկեդրվագ ճամփաներով,
մեղմ սահեցիր
բախտին անգամ մութ մնացած լույսերի մեջ—
ես գոհացա պատրանքներով:

Դու գնացիր...
Այն ո՞վ եկավ, քո փոխարեն ու քեզ նման,
դուռս բացեց.
բախտիս, գինուս ու երգերիս գգվեց անպուսպ—
քեզնից պակաս, քեզնից ավել:

Եվ ով գնաց,
և ով եկավ... Ի՞նչ իմանաս քանի անգամ
ե՛ս գնացի
ինչ որ մեկի բաց սեղանից ու բաց սրտից,
քանի անգամ սփոփեցի, սփոփվեցի
ու ապրեցի բախտիս, գինուս, երգերիս հետ—
դժբախտ մարդուց մի քիչ պակաս,
բախտավորից մի քիչ ավել:



Կանչեմ,
անունդ ծաղկի հետ կանչեմ,
աշխարհի ոսկե երգ ու աղմուկից
գայթակղության գավաթներից կեզ

Ես մի կողմ թեքվեմ, մի կողմ թեքվեմ ու
կանչեմ,
անունդ ծաղկի հետ կանչեմ:

Հյուսեմ,
անունդ ծաղկի հետ հյուսեմ,
չարչարանք լինի օր ու կյանքիս մեջ,
երազներիս մեջ՝ առավոտի լույս,
իմ ապրած բոլոր պահերն օրհնվեն,
ո՞վ ինձ այսքան սեր պարգևեց, որ ես
հյուսեմ,
անունդ ծաղկի հետ հյուսեմ:

Քաղեմ,
անունդ ծաղկի հետ քաղեմ
ու տանեմ ինձ հետ ձյուններից առաջ,
բոլորակ աստղի, սիրո հաճությամբ,
ինձ ու քեզ անհայտ քնքշության ձեռքով
քաղեմ,
անունդ ծաղկի հետ քաղեմ:

ԱՆՁՐԵՎԸ

Սիրո մեջ պակաս էր սարսուռը,
ես եկա, որ մի քիչ ահ բերեմ,
վարդերի կարմիրը դալուկ էր,
ես եկա, որ օծեմ համբույրով:

Խամրած էր խոսքերի մեղեդին,
 եկա, որ խոսքերին ոսկի տամ,
 հողի մեջ մոլորված ինչ հունդ կար՝
 եկա, որ լույս աշխարհի դուրս բերեմ:
 Եկա ու աշխարհում քեզ գտա,
 եկա ու քեզ գտա մոլորուն
 և առած թնջուկիս մուծի մեջ
 քեզ տարա ճամփեքով անծանոթ,
 թե ինչ էր տվածս՝ չիմացա,
 առածս սարսուռն էր քո սիրո,
 քո սիրո ոսկին էր հրայրքոտ:

ԱՅՍ ՁՅՈՒՆԸ, ԱՅՍ ԵՐԳԸ

Աստղերից է այս ձյունն իջնում,
 շատ է մաքուր ու շատ է պաղ,
 այս թախծոտ երգն աշխարհի շրջած՝
 աշխարհի մեջ ինձ էլ գտավ:

Կյանքը վարդ էր կրծքիդ վրա,
 վարդ՝ քաղցրաթերթ քո շուրջբոլոր—
 իմն արբունք էր, բժժանք ու տապ,
 կանչ ու պատրանք, սլացք ու դող:

Լույսը առատ, բույրը առատ,
 ներսդ՝ նեկտար, շուրջդ՝ մեղու,
 իմը տաղ էր վարդի մասին,
 բոլորին մոտ, վարդից՝ հեռու:

Կյանքը վարդ էր կրծքիդ վրա...
... Իմ ձեռքին փուշ, քո ձեռքին փուշ,
մեր միջև ցուրտ մի դեկտեմբեր,
գնալը՝ շուտ, մնալը՝ ուշ...

Այս ձյունն իջնում է աստղերից,
շատ է մաքուր, ախ, շատ է պաղ,
այս թախծոտ երգն աշխարհ շրջած՝
աշխարհի մեջ ինձ էլ գտավ:

ՀԱՐԱՎԱՅԻՆ

Վառվեց շուշանը առվի եզրին
սիրուց, անձկության հրից,
թերթերը բացեց, ծովացավ
քամու մեջ, անձրևի ու արևի...
Որտե՞ղ էր քո սիրտը, որտե՞ղ էր:

Վառվեց շուշանը լույսերի մեջ
հնչեղ ծիծաղով և լացով թաքուն,
կանգնել էր ահա պատրաստ՝ խաբվելու,
պատրաստ՝ հաղթելու, տրտմելու խորունկ:
Որտե՞ղ էր քո սիրտը, որտե՞ղ էր:

Վառվեց շուշանը առվի եզրին,
ծարավից այրվեց, ծարավից,
երապեց, փայլեց հապար պչրանքով
ու թռավ-գնաց իր բույրի թևին...
Որտե՞ղ էր քո սիրտը, որտե՞ղ էր:



Աղբյուրը բխում է քարից
և կուծը չի լցվում—
կժի մեջ լցվում է ծարավ:

Ես ինչքա՞ն կանչեմ աշխարհում
ու երգեմ, երապեմ—
երգի մեջ լցվում է ծարավ:

Անձրև է, մշուշ է թափվում,
ես նորից ելնում եմ ճամփա—
լացի մեջ լցվում է ծարավ:

Այն ո՞վ ինձ ասաց՝ գնացի,
այն ո՞վ է շնչում՝ եկա—
սիրո մեջ լցվում է ծարավ:



Կամաց-կամաց
իջանք աստղերի քնքուշ գծերով,
խոտերի պսակով լուսնապարո
և բլուրների մեղմիկ շարքով
իջանք-գնացինք:
Կամաց-կամաց
իջանք ջրերի ափով,
կեսօրվա եպրով նախշուն,

վարդերի ցոլքերով անցանք:
 Կամաց-կամաց
 անցանք տապով ու լույսով,
 երկրային արծաթ ձայների միջով
 և երկնային ոսկե լռությամբ անցանք
 դեպի ցած, հեռուն:
 Աստծո հրաշքն անսպառ էր,
 անվերջ իջանք սրտից-սիրտ,
 անցանք սիրուց-սեր
 կամաց-կամաց:
 Ոչ մի ճամփա չավարտվեց,
 ոչ մի ծարավ չհագեցավ,
 ինչ որ գտանք՝
 գտանք հանկարծ, հանկարծակի,
 ինչ որ կորցրինք՝
 կորցրինք երկար,
 կամաց-կամաց՝
 աստղերն ի վար իջնելիս...
 Մի՞թե մենք այնքան բարձրում ենք եղել,
 որ այս իջնելը տևեց մի կյանք՝
 կամաց-կամաց...

ԴԺՎԱՐ ՀՐԱԺԵՇՏ

Ես գնացի,— ասում եմ ինձ,— բարի գիշեր,
 ես գնացի,— ասում եմ քեզ,— բարի գիշեր,
 ինձնից ելած, քեզնից ելած՝ ես գնացի:

Լուռ բացում եմ մթան դուռը, լուռ բացում եմ
դուռը հոգուս, դուռը հոգուդ, դուռը հոգուս
և գնում եմ, և մնում եմ, և գնում եմ:

Արի մենք մի դառն ու կծու խոսք ասենք ինձ,
դառն ու կծու, նաև հարցնենք՝ ո՞ւր ես գնում
գինին լցված, կրակը վառ, գինին լցված...

Թող երկուսիս քաղցր ու խոնարհ պատասխան
տամ,
քաղցր ու խոնարհ— մի ոսկե օղ կորցրի մթնում,
գնամ փնտրեմ, իվուր փնտրեմ, գնամ փնտրեմ...

ՍԻՐՈ, ԵՐԳԻ ՃՆԾՈՒԹՅԱՆ ՄԵՋ

Լուսնալույսի փրփրուն պահ էր,
սիրո, երգի, ջահելության
շփոթ տեսիլ,
երազների անուշ շարժ էր մոխրի միջից
դեպի թռչող կրակները,
քո պատկերը սափորի պես
թեքված՝ վերից հեղում էր ցած
վայելքի տապ...

Լուսնալույսի փրփրուն պահ էր...
Հետո անցավ կյանքիս միջով
սիրո, երգի ջահելության
ծարավ խորշակ—

Ես կորցրի, անդարձ կորցրի
 ծաղկած սիրտս
 վարդենու ալ փշերի տակ,
 բայց մնացի դարձյալ կապված
 լուսնալույսի տեսիլքներով,
 հովվերգության թելով նրբին,
 հին ցավերի նոր հարությանը:
 Ես ինչ կորցրի՝ անդարձ կորցրի,
 ես ինչ կորցրի՝ կորցրի միայն
 սիրո, երգի ցնծության մեջ,
 և ով մեկնեց՝ իմ կյանքի մեջ
 երազ թողեց իր փոխարեն,
 և ով մեկնեց ընծայեց ինձ
 խելակորույս լողացող ջուր,
 և մի նավակ հավետ անջարժ:

ԾԱՆՐ ՊԱՐ

Բախտի աստղերի քնքուշ ոսկեջար,
 և սիրով տրված աստծո օր ու լույս,
 ի՛նչ երջանիկ եմ, վերջապես եկար,
 քեզ հետ եմ հիմա պարս պարելու:

Պարպիր քո ձեռքը, թող ջահ լինի ինձ,
 գնամ, անց կենամ այս օր ու կյանքով,
 գայթակղության վարար ափերից
 և ջահելության վարդերից փողփող:

Իմ մյուս ձեռքը կբռնի, գիտեմ,
 մի հին տրտմություն՝ քեզ նման քաղցրիկ
 ու միշտ երեքով այդպես կօրորվենք,
 իբրև երկուսս ենք, իբրև՝ առանձին...

Ձեռքիդ կլինի մի ոսկե խնձոր,
 տաղով, ջշուկով ես կուպեմ առնել—
 ու քեզ հետ կգամ քո շարժ ու քայլքով,
 ոչ քեզ հասկացած, ոչ ինձ՝ առավել...

ԱՄԱՌԱՅԻՆ ՌԻՐՄ

Աղջիկները երգեցին հասուն արտի մոտ,
 խորհրդավոր ջրերից բախտի աստղերն ելան,
 դողանջեցին նրանց երգում ոսկի օղեր՝
 թանկ օրերի լույսը վրան:

Նրանց գլխին թափառեցին ոսկե ամպեր,
 անպուսպ ու հորդ թոն տեղացին նրանց աչքին,
 ոսկե դռներ բացվեցին մեղմ ջշնջոցով
 մութ գրկի պես գայթակղիչ:

Գյուղը թաքուն դիտեց նրանց իրանները
 տղեկի նոր-նոր արթնացած սուր հիացքով—
 վարդը պոկվեց, խոսքը քաղվեց, գինին ցոլաց—
 ոսկե դաշինք, հրավառ տո՛ն...

Աղջիկները երգեցին հասուն արտի մեջ՝
սիրով գրկած մանգաղների արծաթ գոտին,
աղջիկները հասկեր էին, որ լաց եղան
իրենց՝ անհայտ, բախտին՝ հայտնի ցավերից...

ԱՇՆԱՆԱՅԻՆ

Գոց դաշտերում մառախուղի բացված ծաղիկ
և գիշերվա պսակ՝ լուսնի դողդոջ քարով,
մարգերի մեջ լուռ խշրտոց աշուն-խոյի,
ոսկեգեղմին ամռան պչրանք ու ձմռան դող:

Մի աղջկա սիրտ էր ծաղկում գիշերվա մեջ,
ա՛հ, լսեցի, ես լսեցի՜ ձայնը ծաղկման,
որ իջնում էր ինչպես գինու ցոլանքը կեպ
շրթունքներին նիրհած կյանքի, նիրհած օրվա:

Մի տղայի սիրտ էր հասել աշնան ճյուղին՝
թաքուն, անխոս, շշունջների սաղարթի տակ,
թևածում էր համն ամենուր լուռ, սիրելի...
Հապարամյա ծանոթ կսկիծ, ծանոթ բերկրանք:

Ո՞վ իմացավ, որ այդ գիշեր գոց դաշտերում
բախտի օրինյալ թևերն էին բացվել սիրով—
լուսնի քարով մատանի էր, կանչ ու խոստում,
որ ցոլացին, անցան խոռով, անցան խոռով:

ԳՆԱՄ ՀԻՄՆԱ

Գնամ հիմա քո կանչն Նոաժ
պատրանքների սահանքներով,
ծիաժանի կամարի մոտ
քեզ որոնեմ գույներն ի վար,
գույներն ի վեր, գույներն ի ներս
ու չգտնեմ:

Հետո գնամ, ինձնից գնամ,
մաշված ու նոր ճամփաներով,
հապար տարի հեռու գնամ,
քեզ մեղեդու տեսքով տեսնեմ
խաղիկների տնակներում
ու քեզ երգեմ:

Ու միամիտ լինեմ այնքան,
որ խաբվելս բախտ համարեմ,
որ երապեմ, թե ո՞վ արդյոք
ինձ կխաբի մի խնձորով,
որ ես լացեմ առեղծվածդ
ու գոհանամ:

ՀԻՆ Է ՍԻՐՈ ԱՅՍ ԾԱՐԺՈՒՄԸ

Ո՞վ է ցուցանում
խավարումի ու շնորհման
պահերը դարձյալ,
ոսկե ցանցը աչքի վրա,

ոսկե նետը սրտի մեջ:
 Ռ՞վ է դարձնում տագնապն այսքան թանկ:
 Ռ՞վ է խոստովանում,
 որ խավարումի ու շնորհման
 սահմաններն անցնելիս
 ես կորցնում եմ քեզ
 Հաճախ,
 և գտնում եմ քեզ
 Երբեմն...
 Հին է սիրո այս շարժումը
 և վաղնջական
 որքան խավարը,
 որքան շնորհը լույսի—
 հարցրու մարդուն, որ գնում է անդարձ,
 հարցրու մարդուն, որ տուն է գալիս,
 հարցրու դռանը, որ բացվում է ամեն երեկո,
 հարցրու դռանը, որ փակ է մեկընդմիջտ:

ՊԱՐԱՀԱՆԳԵՍՈՒՄ

Ի՞նչ փայլ ունի աղջկա զգեստը,
 որ այնպես թանկ-թանկ պահվել է
 պահարանում,
 ամեն ժանյակ ու կար՝ վրան՝
 հույսի նազուկ ծաղկաթերթ է:
 Օրորվում է, սահում, թռչում
 երաժշտության թևերի մեջ:

Լույսը մարեց: Չգեստի փայլը
 նուրբ գծվում է մթան դեմքին
 ոսկեվորիկ շառագույնով,
 հայացքները վարդերի պես
 շար են բռնել նրա կրծքին—
 դու մեկն ընտրիր, աղջիկ, մեկը,
 և քո հոգում սուսվիր փուլթով...
 Գուցե արդեն դու մեկնե՞լ ես
 ինչ որ աստղի ճանապարհով,
 քո վզեստն է դեռ լույս տալիս
 մութ սրահում
 և օրորվում, սահում, թռչում
 երաժշտության թևերի մեջ
 իմ հայացքի վարդը կրծքին
 մեն-միայնակ:

ԵՐԳԻ ՈՒ ՔՈ ՄԻՋԵՎ

Ի՛նչ սահուն էր ու սայթաքուն,
 ի՛նչ թափառում պարզևեց ինձ
 երգի ու քո միջև եղած ճանապարհը:
 Ես այն անցա արյան շարժմամբ,
 որ գնում է դեպի սիրտը՝
 երապների, արցունքների
 սահանքներով:
 Ես այն անցա ծաղկի շարժմամբ,
 որ գնում է դեպի մեղուն՝

մեղմ լույսերի ու կարկուտի
կովադաշտով:

Ես այն անցա ջրի շարժմամբ,
բայց հոսելով ակունքն ի վեր՝
դեպի ձյունը, ցուրտը, քամին,
հոլսը դեպի:

Բայց քո տեղում դու չկայիր,
երգ էր դարձյալ ու մեղեդի—
և ինձ համար երգի ցանցից
էլ դարձ չկա:

Ու գնում եմ ես երգից երգ,
ամեն հուլպից ու մեղեդուց,
անցնող-դարձող ամեն ցավից
քեզ հարցնելով:

ԵՐԳ

Ես ապրեցի այս աշխարհի լույսի մեջ,
շուրջս՝ ծիածանի երփներանգ պսակ,
ջահելության ավից ինձ ո՞վ էր կանչում,
այն ո՞վ էր ճոճում վարդ ու թաշկինակ—
չէի տեսնում, չէի տեսնում:

Իմ բաժին աշխարհը շուրթերիս հասած,
շուրթերիս հասած՝ գավաթ էր գինու,—
դե խմիր, կանչեցին երգիչները սիրով,
դե խմիր, ցնձաց տարիքս ջահել—
խմում էի, խմում էի:

Անգամ ցավը, անգամ ցավը ինձ համար
 հնչում էր որպես սիրերգի տող,
 հմայված, երազող՝ ոսկե շառափում,
 ավաղ, ես չէի որոնում Ոսկին,
 չիմացա, որ ինձ արցունք էլ է պետք—
 չէի լալիս, չէի լալիս:

Ես չգիտեմ հիմա, չգիտեմ իրավ,
 թե ճիշտ եմ ապրել կորուստ ու երազ,
 բայց գիտեմ՝ ինչ որ տեղ ապրում էր սերը
 և չհանդիպեցինք մենք իրար բնավ...
 Կորածն անդարձ եղավ, սփոփանքն՝ առատ—
 սփոփվում եմ, սփոփվում եմ:

ՀԱՄԲԱՐՁՈՒՄ

Չվարթ, ջահել մի արև
 անմահություն է քամում
 Արարատյան օրվա մեջ:
 Եկավ ահա մի երգիչ
 ոսկե սրինգ շուրթերին:
 Բայց դու թաղված, քնած ես
 համբարձման տաք թերթերում,
 ինչպես երգը սրտի մեջ:

Հիմա վիճակ կլինի
 բախտի, սիրո, ցնծության,

երգիչն առած սրինգը
 կմոտենա ջրերին...
 Ու կկանչի քեզ այնքան,
 մինչև սրինգը հալվի,
 ոսկով լցվի աշխարհը:
 Քեզ կկանչի հմայված,
 աչքերը փակ լույսի դեմ—
 ու չի տեսնի, թե ինչպես
 դու դուրս կելնես տեսիլքից,
 ինքը խորունկ կթաղվի
 համբարձման տաք թերթերում,
 ինչպես երգը սրտի մեջ...

ՊԱՏԿԵՐ ԳՅՈՒՂԱԿԱՆ ՍՐՔՈՎ

Մեր ճանապարհը այդպես էր անցնում,
 ամեն ինչ պիտի հենց այդպես լիներ—
 մենք գնում էինք ամառվա միջով
 հասնող մրգերի տապով բռնկված,
 սուր-սուր քերձերով, զվարթ, անզգույշ,
 երբ կույս Վարվառը ելավ ընդառաջ
 փետրախոտերի հորձանքի միջից՝
 ոտքերին նախշուն քամիներ հագած,
 ուսին՝ աղբյուրներ, կրծքին՝ մուր երկինք,
 ձեռքին՝ սպնու ճյուղ արնոտ փշերով:
 Քեզ կանչեց իր մոտ, զննեց սիրապեղ,
 գրկեց, փայփայեց, լացեց քրոջ պես,

ապա գորովով հանեց սիրտդ դուրս
 ու խոցեց սպնու փշերով սուր-սուր:
 — Դե հիմա,— ասաց,— գնա քո ճամփան,
 սիրտդ կտոկա ամեն մի ցավի:
 Ու մենք գնացինք առանձին, բաժան,
 միմյանց դեմ լցված անհասկանալի
 սիրով ու թախծով, թախծով ու սիրով:

Հետո ի՞նչ եղավ. ոչինչ չգիտեմ:
 Պարզապես պետք էր մի բան հորինել,
 որ միշտ ունենամ քո թանկ կորուստը
 կյանքիս կանչերում, ցուքերում շքեղ...
 Ու թող հավատամ, իրավ, հավատամ
 կույս Վարվառի այդ հայտնությանը սուտ,
 թե մեր ճանապարհն այդպես էր անցնում,
 ամեն ինչ պիտի հենց այդպես լիներ...

ՎԱՐԱՐ ԱՆՁՐԵՎ

Ախ, վարար անձրև,
 խառն ու անուշ ձևերով,
 որ դու չիջար հուլիսն ի վար,
 որ դու չանցար իմ այրվող արտ ու ափով,
 չտեղացիր իմ ձկների արծաթ խաչին,
 իմ գառների ոսկե գեղմին,
 ես քեզ ինչ ասեմ:

Ախ, վարար անձրև,
 արձակ մալով, խենթ, ցնծալի,
 փողոցների կայտառ երգը լեզվիդ վրա,
 ծաղիկների լույսը աչքիդ—
 ու ինձ ոչինչ չխոստացար,
 ինքս իմ առաջ դարձա ծարավ,
 դարձա կորուստ ու ափսոսանք
 ինքս իմ առաջ—
 ես քեզ ինչ ասեմ:

Ախ, վարար անձրև,¹
 դու ե՞րբ անցար, ես չիմացա,
 ամենալավ երգը տարար շուրթիդ վրա,
 ամենահորդ սերը տարար քո սրտի մեջ,
 ծաղկով, լույսով, ծիածանով
 դու ե՞րբ անցար,
 որ մի բան էլ ինձնից տարար,
 ես չիմացա...



Կանչեցի՝ տերև՛, տերև՛,
 երկինքը թո՛ն տեղաց—
 այն ի՛նչ ծարավ տեսա:

Կանչեցի՝ պսա՛կ, պսա՛կ,
 աստղը ընկավ ծովին—
 ջրի հրդեհ տեսա:

Կանչեցի՝ թերթի՛կ, թերթի՛կ,
խոնավ-ոսկի աշուն իջավ,
աստժոն անունը հայացք տեսա:

Կանչեցի՝ ձյունի՛կ, ձյունի՛կ,
կողքիս խորոտ ծաղիկ տեսա,
ավա՛ղ տեսա, ավսո՛ւ՛ տեսա...

Ի ՊԱՀ ՄԱՅՐ ՀՈՂԻՆ

ԱՍՏՂ ԵՎ ԱՍՏՂԱՓՈՒՇ

Փշի վրա աստղի ցոլանք—
և աստղափուշ իմ կյանքի մեջ:

Քարի սրտում ծաղկի դաջվածք—
և ոսկու փայլ կորստյան մեջ:

Անձրևի վարկ առվի սրտին—
իրար անհաս քաղց ու հագուրդ:

Աշնան խայտանք և ձյան սարսուռ—
սրտի-խոհի հին դավ ու սեր:

Չմռան աշխարհ, լռած կանչեր—
սիրո շարժում, վայելքի տենչ:

Աստղերի պարս, աստղոտ աշխարհ—
և աստղափուշ իմ կյանքի մեջ:

ԵՐԱՆՈՒԹՅՈՒՆ

Ինձ բախտ վիճակվեց աչք ու սիրտ բացեմ
 շողակն հունիսի այս այգի առաջ—
 աշխարհի վրա ծաղկած արեգակ,
 խաղաղ ճամփաներ, հույս ու թռչնականչ:
 Լույսի շարժումից ունկերս լցվեց
 երկրային շքեղ, շքեղ մեղեդի,
 ջրերի կանչից՝ պաղ, անապական
 սիրտս խլրտաց, դարձավ մի ծաղիկ—
 ես տեսա սայլը Մասսից իջնող,
 գիլ-գլոր իջնող, անիվներն արծաթ,
 բոլորված սնդուս-մանուշակներով:
 Խաղաղ առավոտ և ծիրանի լույս,
 սիրո, երազի փրփուրով պատված
 սիրելի՛ աշխարհ:
 Սիրելի աշխարհ,—
 ես տեսա երգող սերովբեներին
 ճյուղերի վրա, ձորերի խորքում,
 ջրի ու հողի եպերքների մեջ,
 նրանք սիրառատ օրհներգում էին
 և ծաղկին թռչնած, և ծաղկին բացվող,
 և որսված հավքին, և ճախրող հավքին,
 հնչում էր զվարթ, հասնում ամենուր
 հրավերքների քաղցր մեղեդին:—
 Ես տեսա ինչպես խոտ ու կենդանի
 ամեն կողմերից եկան հմայված,
 որ ապրեն Տոնի արբեցումի մեջ,
 ճաշակեն իրենց շնորհված բախտը

ու գգվեն իրար ներման, հրճվանքի
արցունք-հայացքով:

Եվ այս առավոտ առաջին մարդը,
որին ես տեսա՝ Նարեկացին էր:

ԱՇՈՏ ԵՐԿԱԹԻ ՈՍԿԵ ՓՈՒՇԸ

Շուրջս աղմուկ է, հազար տարվա կանչ ու անդորր,
հրավերի ու մերժումի անտես շղթա—
հնչեցնում է պահնորդս իր փողը դողդոջ
ու սիրերգ է թափվում նրա փողից արժաթ:
Քարն է փափկում պատանյակի հուլից շքեղ,
նուրբ ու փխրուն, աստվածահաճ, երանելի...
Ես չեի ուզում ամենևին այդպես լինել,
բայց սիրերգն իմ սրտին ավաղ դուր էր գալիս:

Այս ժխորում հազարամյա դու լսո՞ւմ ես
հին արքայիս ծանր խոսքը երկաթագիր,
սիրտս ծակեց ոսկե փուշը անգթորեն
շողշող փուշը սիրո, երգի, սատանայի,
ոսկե փուշը իմ փողհարի սիրտն էլ ծակեց,
սիրերգ դարձան մարտակոչերս կատաղի...
Ինչպե՞ս եղավ, ի՞նչ կատարվեց, չհասկացա,
կյանքս հանկարծ կիավեց մեկեն երկու մասի—
իմ վինավառ, բոց տարիքը՝ նժույզն հեծած
ո՞ւր հեռացավ հաղթանակի աստղն ուսին:
Իսկ այս մեկը՝ հասուն, սակայն վիատ տարիք,
մնաց փակված անձկության պաղ անձավներում,
84

մեկնած ուժիս, փառքիս ձայնին լուռ ունկնդիր,
 հպարտության շղթաներով պարկված ամուր:

Հիմա արդյոք կա՞ աշխարհում ոսկե փուշը,
 արքայասպան փուշը նենգ ու գայթակղիչ,
 նա բուրում է, ունի շողշող պսակ լուսե,
 սակայն սրտում խոր դաջվածքը սև դժոխքի:
 Նրան հողը չի կյանք տալիս և ոչ ջուրը,
 նա աճում է գաղջության մեջ կեղծ խոստումի
 և գրկի մեջ թավշյա սիրո և խոսքերում,
 ախ, խոսքերում նուրբ ու մթին, նուրբ ու մթին:
 Նա կմեռնի հենց արմատը հողին առնի,
 նա կմեռնի, հենց որ ջուրը ցողի նրան—
 հողում, ջրում նահատակաց անմահ լույսն է՝
 չի հանդուրժի ոչ հին և ոչ նոր խարդավախք:
 Գտեք փուշը, քաղեք փուշը ուր էլ լինի,
 իմ պահնորդը թող ապատվի իր մեծ պատժից,
 ես կմնամ որպես արքա-զոհ իմ փշին,
 որ իմ փշով երբեք ոչ ոք էլ չխոցվի:

ՄԱՆՈՒԿ ԱՐՔԱՅԱԶՆԻ ԶԱՅՆԸ

Արագածի լանջին կա մի գերեզ-
 ման, ուր ըստ ավանդության թաղ-
 ված է մանուկ արքայազնը: Եվ
 ով հանկարծ փորձի իմանալ այդ
 շիրմի գաղտնիքը, կհայտնվի ասեղ
 վիշապը՝ մարգարտահուռ թագը
 գլխին:

Արդեն քանի դար փակված եմ ամուր
 առասպելի մեջ: Ու հնար չկա

ահեղ վիշապի աչքից փախչելու:
 Ախր այն ո՞վ էր ինձ կարգեց արքա:
 Ո՞վ ինձ թագ տվեց, որ թիթեռների
 պարս էր ոսկեղեն, ցանուցիր եղավ...
 Ո՞վ ինձ գահ տվեց, այնպիսի մի գահ,
 որ լոկ նինջ բերեց օրորոցի պես,
 որ գայիսոնս դառնար նուրբ կակաչ՝
 իմ ձեռքից ընկներ, հավիտյան ընկներ...
 Այն ո՞ւմ աստվածը ինձ թողեց մանուկ
 և այս աշխարհի դավ ու կռվի մեջ
 ինձ պրկեց կռվից, դավից, թշնամուց,
 հաղթել-պարտվելու մեղրից ու թույնից
 և հավետ պատժեց մանուկ մնալու...

Ես սեր եմ, սեր եմ, միամիտ երազ,
 մանուկ արքա եմ, պատիժս սերն է...
 Ո՞վ ինձնից վանեց նժույգս կայտառ,
 նահատակության թամբը ոսկեթել
 և ինձ պարզեց այս կյանքը անմահ:
 Բայց անմահությամբ հենց մահ գտա ես՝
 առասպելի մեջ փակվելով ընդմիջտ,
 աչքս պատմության ջրերին հառած,
 լոկ ջրի կայտառ խաղին մասնակից...

Ես սեր եմ, սեր եմ, միամիտ երազ,
 հավերժ մանկությամբ պարկված եմ ամուր—
 ողջ արքաներից ես՝ դժբախտ արքաս
 կրկնակի դժբախտ՝ արքա և մանուկ:

Ի ՊԱՀ ՄԱՅՐ ՀՈՂԻՆ

Մի ոսկե թռչուն թռավ քո բերանից—
 էդ Սասնա բարբառն էր խորոտ-մորոտիկ,
 որ թևեց դեպի երկինք, դեպի աստված,
 քո թռռան թլոլ սրտին ու լեզվին
 թողած մի դողանջ:

Քո սրտից ընկավ մի մուժ որձաքար,
 ընկավ ոտքիդ դեմ, դարձավ քեզ արգելք,
 քո ոտքերը՝ երկու ճամփա հեռվից եկած
 ախ, խճճվեցին թուփ ու ծաղկի մեջ—
 ախ, հեռվից եկած:

Մի աղբրակ պայթեց Արագածի աչքից,
 քո արցունքն էր, քո մշուշն էր, քո գինին,
 մի հին սեր քեզ կանչում էր, աշխարհից հանում,
 իսկ մի ցավ, որ քեզ միշտ պահեց կենդանի
 այն ի՞նչ էր պատմում:

Քո սրտից ծիլ տվեց ծիրանի մի ծառ,
 քո պատրանքն է՝ պսակին լույս ու ոգի—
 քո թևերը՝ մի հոգևած բահ ու հրացան,
 իրար գրկած ահա գնում են խաղաղ
 ի պահ մայր հողին:

ՓՈՔՐԻՆ ԼՐԱՇՔ ԱՆԿՅՈՒՆԸ

Այն կա աշխարհում ամենուր,
հույսի մեջ, արցունքի, բարևի
և ցնծության մեջ անանուն
և վեճի մեջ և լքումի:
Կա այդ անկյունը փոքրիկ՝
ողողված աստծո լույսով,
դուռը դեպի դրախտ բացված,
պատուհանը բախտին նայող:
Այնտեղ զոջումն է բնակվում
և լույսի հատիկն հարության,
որ մեռած անցյալն է դարձնում
ճանապարհիդ արթուն վկան:
Այդ փոքրիկ անկյունից հաճախ
իջնում են աշխարհի վրա
մեր հոգու երգիչներն անտես,
որպես աստղի փափուկ կրակ:
Նրանք ծաղկած ճյուղ են տանում
ձյունահողմից ընկած ծառին
և ջրին տանում են ծարավ,
որ նա էլի, էլի հոսի...
Այդ փոքրիկ, հրաշք անկյունից
ծորում է մեղր սիրո խայթի՝
մեր ապրած օրվա թերթերին
և շուրթին մեր գալիք քաղցի:

ԱՆՈՒՂՂԵԼԻ ԵՄ

Ինձ ինչ ուզում ես ասա՝ անուղղելի եմ,
 ես երապից բացի թռիչք չունեմ ուրիշ,
 ապրածս հեքիաթը այս կյանքն է, որ կա,
 ինչ քայլքով գնում եմ դեպի ծաղկունս թավիշ,
 նույն քայլքով իջնում եմ աստիճանով անկման:

Էլի նույն ձայնով եմ կանչում քեզ, որ չկաս,
 դեռ կարծում եմ դու քույրն ես ծաղկի ու
 արցունքի,
 դեռ մեր միջև կա աստծո քաղցր առեղծված,
 քեզ կորցնելուց հետո անգամ դու ինձ համար,
 դու ինձ համար հավիտյան սիրով գտնված:

Էլի միամիտ եմ, կխաբվեմ ես շատ շուտ,
 միայն թե ակնարկ լինի, ակնարկ մի թեթև,
 կհավվեմ լուսնի շողից ու երգերից սուտ,
 էլի կփորձեմ ծովը մաղով դատարկել,
 միայն թե ակնարկ լինի, ակնարկ մի թեթև:

Ինձ ինչ ուզում ես ասա, անուղղելի եմ,
 ուշանում եմ դարձյալ ծիծաղից, հանդեսից,
 բայց տխրում եմ կարգին ու կարգին ցնծում եմ,
 չսովորեցի բնավ տեղը գրայանիս,
 հոգով եմ վճարում պարտքիս դիմաց ամեն:

Հոգով եմ վճարում պարտքիս դիմաց ամեն
 և վճարներից ինձ լոկ երգեր են մնում,
 դեռ կարծում եմ պիտի ծնկել ծաղկի դեմ
 և աստղեր որոնել ցերեկվա երկնքում...
 Ինձ ինչ ուզում ես ասա, անուղղելի եմ:

ԼՈՒՑԿԻՆ

Ինձ այրիր մթի դեմ, սևի,
 թող վառվեմ իմ լույսով, կրակով,
 որ ի վերուստ տրված է ինձ
 իբրև ապրելու մեծ շնորհ:
 Թող այրեմ գիշերվա շուրթը,
 վրան՝ համբույր պագշոտ ու մութ
 և խոսքն այրեմ, ոսկե խոսքը,
 որ չի բերում տագնապ ու հույզ:
 Ցնծության դեմ վառ տոների
 կանգնեմ մենակ ամենևին,
 կամ կմարեմ մի հեղձ շնչից,
 կամ հրդեհս պիտի ծաղկի:
 Հետո արդեն ողջը մեկ է՝
 թե մեզնից ով ում կհիշի,
 դո՞ւ, որ կրակս դարձրիր կյանք,
 ե՞ս, որ կյանքս դարձրի մոխիր:

ՋՅՈՒՆԸ

Տեղացի փափուկ ու անուշ
 խոր ու խորունկ երանությամբ,
 թեթևորեն այնպես անհոգ,
 ինքս ինձնից առաջ անցած,
 ինքս ինձնից ետ մնալով:
 Չկար քամի ինձ ուղեկից,
 չկար կայծակ, չկար սոսկում,
 ես երկնքի տեր-տնօրեն,
 դեմս սիրո գրկի նման
 բացված աշխարհը սիրելի:
 Ինչե՛ր տեսա իմ ձմռան մեջ,
 քանի՛ շնչից սառույց դարձա,
 քանի՛ շնչից՝ ծաղկի պատրանք:
 Ո՞վ ինձ տվեց գուցեն այս ճերմակ,
 որ ամեն ինչ հոգուս դաջվի:
 Ինչե՛ր տեսա իմ ձմռան մեջ...
 Բայց առավել վարմանալին
 իմ հալվելն էր, ջուր դառնալն էր:
 Այդ ի՞նչ կյանք էր՝ ճամփա էր կարճ,
 որ ջուտ անցա աչք չթարթած,
 այդ ի՞նչ կյանք էր՝ միրգ էր հրաշք
 հալվեց լեզվիս՝ սիրտ չհասավ...
 Հիմա այսպես ջուր եմ դարձել,
 ամպով լցված կռունկի աչք,
 առաջս՝ հուշ, ետևս՝ հուշ,
 ես հոսում եմ ու չգիտեմ
 գնացողն եմ, թե եկողը:

ԵՐԱԶԻ ԳԵՍ

Ես, որ աճեցի
 որթատունկի հետ,
 ապրեցի մի կյանք կանաչ շեշտերով,
 տաք անձրևների շոյանքների տակ,
 պաղ անձրևների սարսուռների մեջ,
 անցնող, դարձող եղանակների
 զարկով ու սիրով:
 Որթատունկի հետ
 ես ծարավեցի՝ կանգնած նույն քարին,
 նույն կրակի մեջ,
 մենք նույն հայացքով նայեցինք երկինք,
 նույն չափ ու հանգով ասացինք իրար
 սրտալի խոսքեր:
 Եվ ձմռան մի օր ձյունն ինձ շնչաց.
 — Տեսե՞լ ես, կողքիդ ապրում է մեկը
 երապի նման, շնորհի նման
 օրհնության, բախտի:
 Նրա շնչից ես քնքուշ կդառնամ,
 նրա սիրուց ես քո աչքերին տաք
 արցունք կդառնամ:
 Իսկ մի կյանք հետո
 ձյունն ասաց նրան.
 — Ապրում էր մեկը, ապրում էր կողքիդ
 երապի նման,

մի՞թե ես նրան տարել եմ արդեն,
մի՞թե ես նրա շնչից քնքշացա,
մեղմացա այնքան,
որ քո աչքերին դառնում եմ արցունք:

ՉԷ՞ ՈՐ ԴԱ ԷՆ ՇՆՈՐՀ ԷՐ ՄԵՇ

Չյունոտ էր ճամփան
իրիկվա մեջ խորացող—
ես գնացի
քաղցրիկ կանչին ունկնդիր,
ասացի մնաս բարով
իմ սիրելուն,
ասացի մնաս բարով նրան,
որ հալածում էր ինձ
ու գնացի՝
հմայված, երապուն, անձանձիր:
Ինձ ուղեկից էր միայն
ընկնող աստղերի լույսը
հորդ ու սիրապեղ,
սակայն դա էլ ճանապարհ էր,
սակայն դա էլ շնորհ էր մեծ:

Ես անցա մի կյանք
ոսկի արտերի միջով,
ցորենի քիստը ասղտեց հոգիս,
անցա վարդերի ու ձյան միջով,

անցա երկրով ու երկնքով,
 ես մի ամբողջ կյանք
 ճանապարհ անցա և մոտեցա քեզ, քեզ,
 որ միշտ եղել ես կողքիս:
 Հիմա իմ առջև մի հատիկ դուռ կա՝
 քո սիրտը,
 որտեղից մի ամբողջ կյանք
 իբրև առեղծված, հմայուն, խաբկանք
 հնչում էր քաղցրիկ կանչը:
 Հիմա իմ առջև մի հատիկ դուռ կա՝
 քո սիրտը՝
 բայց չեմ կարող բախել
 ու հանգիստ եմ
 այս երկար թափառիկ ճանապարհից—
 չե՞ որ դա էլ ճանապարհ է,
 չե՞ որ դա էլ շնորհ է մեծ:

ԴԱՐՁՅԱԼ ՓՈՒՇԵՆ Է ԽԼՐՏՈՒՄ

Բանաստեղծություն գրելուց հետո
 աշխարհում մի բան փոխվում է իրավ—
 ծարավ ծաղիկը գտնում է ջրին,
 աստղը ցոլում է ճակատին սիրո,
 հողմը փակվում է անդունդների մեջ,
 և թույլ ու վհատ ծիլերին բոլոր
 ճակատագիրը ժպտում է հանկարծ
 առաջին անգամ, գուցե և վերջին:

Աշխարհի ամեն մութ անկյուններից
 խարդավանքներին, ծեսերին բոլոր
 իջնում է շքեղ, հազվագյուտ անձրև,
 լվանում, պարզում աչք ու ճանապարհ:
 Հազվագյուտ մի լույս, հազվագյուտ մի սեր
 պաշարում են քեզ հարապատորեն
 երկիր-երկնքի մեղմ ուրբների մեջ,
 երկիր-երկնքի բարդ հյուսվածքներում:

Բայց քո մեջ դարձյալ փուշն է խլրտում,
 և քեզ թվում է միամտորեն,
 թե արդեն գիտես տեղը խայթոցի
 ու քո կոիվը հաղթել ես արդեն:
 Բայց քեզ երբևէ ոչ ոք չի ասի,
 որ այդ տանջալի փուշն ուրիշինն է
 և պիտի այնքան ծակի քո հոգին,
 քանի դեռ այնտեղ ծնվում են երգեր:

Բանաստեղծություն գրելուց հետո
 աշխարհում մի բան փոխվում է իրավ,
 բայց ծաղիկն էլի մնում է ծարավ,
 աստղն այրվում է ճակատին սիրո,
 թեպետ բացվել են դռները ամռան,
 թեպետ ամեն ինչ թավիշ է դառել,
 թեպետ ամեն ոք իր ճանապարհին
 փնտրում է, կանչում, արտասվում՝ սեր, սեր...



Երկրի չքնաղ վարդերի մեջ
 ինձ համար կա լոկ երկու վարդ—
 մեկը պիտի ընծա տանեմ,
 իսկ մյուսը թփին մնա:

Սրնգի տաք ջուրթի վրա
 երկու խոսք կար՝ հույզերով լի—
 մեկն ասվեց մեր հանդիպմանը,
 իսկ մյուսը մնաց գաղտնի:

Երկու ճամփա կար ափիս մեջ,
 մեկն ինձ ամուր կապվեց հավետ
 ու խճճեց ոտքերս իրար,
 մյուսն անցավ աստղերից վեր:

Աստված տվեց երկու ծարավ,
 երկու ծարավ ու մի պուտ ջուր,
 մեկը հոսեց գետերի հետ,
 մեկն ինձ մնաց կպած ամուր:

Մի վարդ, մի խոսք, մի ճանապարհ
 և մի ծարավ՝ երկնի շնորհ,
 բայց առավել հարուստ եղա
 ինձ չտրված ու չեղածով:

ՋԱՅՆԸ

Մի ձայն էր կանչում հեռվից
խոնարհ, երգեցիկ
և դուռն քացվեց կամաց,
ես դուրս ելա, գնացի:

Չայնը քարից էր գալիս:
Քարտաջի մուրճն ընկած էր գետին:
Քարտաշը չկար:
Սարեսար ընկած ծաղիկ էր փնտրում:

Չայնը ծաղկի խորքից էր գալիս—
ծաղիկը թողած բույր ու պսակ,
անցել էր գետի ափով,
բլրակով, հովտով,
անցել էր ամռան օրերն այն կողմ՝
իրեն քաղող ձեռք էր փնտրում:

Չայնը ձեռքիս միջից էր գալիս,
որ դողաց քո ուսին,
դողաց այս երգը գրելիս
և ցուրտ քամու առաջ
կամաց փակեց դուռն,
կամաց փակեց սիրտս:

ԿԱՆՁ

Արագածը թեքվեց հողին,
խոր կապույտից, երկնի լուսից
թեքվեց հողին, ասաց՝
արի, հասմիկ ծաղիկ,
իմ տրտմության մուշ օրերից,
իմ ցրտության խուլ ավերից
խայտա, արի:
Թեպետ նուրբ են քո թերթերը,
սիրտդ լի է սիրերգներով,
բայց կարկուտի կողքին պիտի
գտտիդ կապես կանաչ-դեղին,
կանաչ-դեղին օրդ պարպես
քամու թևին,
բույրիդ առաջ, լուսիդ առաջ
կանգնես համր ու անհաղորդ
ու սպասես երկար, դժվար,
համառ, անխոս, գուցե
մի կյանք, կամ ավելի,
մինչև որ գա քաղցրիկ մեղուն:
Մինչև որ գա քաղցրիկ մեղուն
քամու միջով ու անձրևի
մուշ վարկերով՝ քեզ համար գա,
հավար ու մի հայմ ու բույրից,
շողից, ոսկուց գայթակղիչ
անցած՝ այդպես, գուցե մի կյանք
կամ ավելի ճամփա անցած
քեզ համար գա:

ԽՈՐ ՁՄՌԱՆ ՄԵՋ

Չյուն է թափվում ցած,
 ծանր կապարե ձյուն է թափվում ցած
 և գիշերն ի վար և ցերեկն ի վար,
 հետքս կորել է մղձավանջի մեջ,
 որ, հոգի, ես եմ հյուսել քո բոլոր:
 Գարնան հուշն հիմա կյանքի պես բան է,
 կյանքի պես թանկ է, ով պարզևի ինձ՝
 ես ձմռան միջից դուրս կգամ իսկույն,
 որ նրան ծաղկած, նախշուն սիրտ տեսնեմ,
 բույրի մեջ տեսնեմ, լույսի, պսակի,
 սիրո, ցնծության ավերում կանգնած,
 իր բախտի աստղին լույս տամ անհնար,
 ով որ պարզևի գարնան հուշն հիմա...
 ... Ու տես ինչ եղավ, տես ինչ պատահեց.
 Իմ ապրած բոլոր սերերի միջից
 այս ձյուն-ձմեռվա սայթաքուն ճամփին,
 իմ անձայն կանչին, իմ թախծությանը՝
 քո սիրտն է վնգում, իմ քաղած ծաղիկ:
 Ես ձմռան միջից դուրս կգամ հիմա,
 բայց էլ ո՞ւմ պիտի տեսնեմ նախշունսիրտ,
 սիրո, ցնծության ավերում կանգնած,
 երբ որ ոչ դու կաս, իմ քաղած ծաղիկ,
 և ոչ էլ ձեռքս՝ քեզ իր մեջ պահած:

ՄԻ՞ԹԵ ԱՅՆՔԱՆ ՇԱՏ ԳԱՆՁ ԵՄ ԿՈՐՅՐԵԼ

Աշնան ակացիայից տերևներ ընկան
և երկիրը անկուսից ցնցվեց:

Լռությամբ, թեթև սահեց պատկերդ
անցյալիս ոսկե շրջանակից ներս:

Մի՞թե այնքան շատ գանձ եմ կորցրել,
որ անվերջ երգ է հոսում իմ սրտից:

Այն է՞րբ էր, իջա ցնծությամբ հողին,
ո՞վ ծիածանով աչքերս կապեց:

Կուրուքյուն տվեց ինձ երանելի,
գոցնի, երապի՝ հավիտյան աղերս:

Տոլացի, անցա շատ աստղեր այն կողմ՝
հապար երապի մասնակից ու տեր:

Բայց իմ աստղն ինձ միշտ եղավ անհաս,
մի երապաչափ հեռու ինչ որ տեղ:

Ու գաղտնիք մնաց, թե մեր երկուսից
ո՞վ էր ճամփորդը և աստղն ո՞վ էր...

Եվ ինձ այնպես էր թվում երբեմն,
թե ինչ որ մեկն էլ ապրում էր կյանքս,

Լույսի, պատրանքի սահանքների մեջ
ինձ հետ ընթողխնում բերկրանք ու կակիծ:

Մի՞թե այնքան շատ գանձ եմ կորցրել,
որ անվերջ երգ է հոսում իմ սրտից:

ԱՆՑՎՈՐ ՋՐԻ ԱՓԻՆ

Օրը բացված ճերմակ ծաղիկ,
պսակի շուրջ՝ սիրո ցոլանք,
երկիրն ի վար, երկինքն ի վեր
լույսի բողբոջ, աստծո հայացք:
Ջուրն է հոսում, գնում վարար,
ճերմակ ծաղկի՝ պատկերն իր մեջ.
ջրի ափին մեկը երգեց՝
անցվոր աշխարհի, անցվոր աշխարհի:

Երկու թռչուն ճերմակաթև
ճախր տվին եթերի մեջ,
լույսը աճեց ալիք-ալիք,
հեղեց-ծածկեց աշխարհն ամեն—
մի մարդ պիտի անցներ-գնար,
մեկն այս կյանքից գալու էր ներս.
ջրի ափին մեկը երգեց՝
ես եկել եմ, ինձ՝ լույս ու սեր:

ԱՆԹԱՌԱՄ ԾԱՂԻԿ

Անթառամ ծաղիկ,
 ճակատագրիս մեջ քո մասին էլ կա...
 Այն, որ գրված է՝ բուրուն է մեկը
 ամառ ու ձմեռ, հավիտենական,
 որ երգ է շրջում, գլխին պսակ է,
 որ չի սպառվում ռունգների տապից,
 ցավից չի լալիս, մահից չի խորշում,
 որ նա աճում է քարերի սիրուց,
 իսկ սրտում՝ քարի և ոչ մի նշույլ՝
 հենց դու ես, որ կաս, Անթառամ ծաղիկ:

Ես նա եմ, որին տանում է քամին
 ձմռան մոռացման ավերը աղի,
 բերանս խցած լռությանը տտիպ...
 Ես նա եմ, որը իր կյանքում անծիր
 փնտրեց սրտերում ոսկեղեն դռներ,
 հաճախ շփոթեց ճամփան ետդարձի
 ու դրախտ կոչեց ամեն փշոտ տեղ:
 Ու ինքը հաճախ խճողեց իր շուրջ
 այս կյանքի գծած թելերը հստակ
 և ինչպես մեղուն իր նյութած մեղրում
 խճճվեց որպես տեր ու նահատակ:

Հենց նա եմ, որ կամ:

Հիմա և ընդմիջտ օրհնյալ ես աշխարհի,
 որ վայելում եմ քո հրաշքը կարճ,
 որ անթառամը գնալու է հար
 ինձանից հետո և ինձանից առաջ:

ՀԱՎԱՏԱՄ

Հավատամ, սիրով հավատամ,
 որ անձրև չէ թափվում վերից,
 այլ արցունքդ է ինձ պսակում
 աշնան նախշուն ճամփաներին,
 որ խոսքեր չեն երկար, դատարկ
 մահվան նման իջնում սրտիս,
 այլ երկնքից ծաղկաթերթ է
 իջնում վրաս պսակում ինձ:

Հավատամ, դարձյալ հավատամ,
 թե տանում եմ սիրո պես հեշտ
 ամեն մի քար իջած կյանքիս,
 ամեն մի լույս ու ցնծություն
 և խարդավանք և լաց ու ծես—
 ու քամին չի լալիս այսպես,
 այլ աշխարհի սրտից, սիրուց
 իմ բաժինն է պսակում ինձ:

Հավատամ, կրկին հավատամ,
 որ աշուն չէ իջած թխպոտ,
 դու ես կանչում ամեն կողմից
 ջահելության սրինգն առած
 նախշունլեզու և միամիտ—
 հավատամ, որ ձյուն չի գալիս,
 այլ երապդ է պսակում ինձ:

Հավատամ, երիցս հավատամ,
 թե գիշեր է սովորական
 ու գնում եմ մի քիչ գինով,
 թե այսպես իբր մի ժամ, մի օր,
 մի տարի, մի կյանք շարունակ
 ես անվերջ տունս եմ գնում
 պարզապես մի ուրիշ ճամփով:

ԴԵՌ ԶԱՐԶԱՐՎԻՐ, ՀԱՅՐ

Հորս՝ Տիգրան Սիրունյանին

Մեր փոքրիկ, բարի Հողը ասում է.—
 ցանկապատի մոտ դեռ չարչարվիր, հայր,
 դեռ ինչքան քար կա իմ սրտի վրա
 և քարերի տակ ինչքան երազանք,
 որ պիտի շուռ տաս, հանես լույս աշխարհի,
 դեռ քանի վտակ չի հասնում սիրուն
 ու երակներս լի են սովորության
 աղի կարոտով:

Մեր այրող կրակ Ծաղիկն ասում է.—
 ցանկապատի մոտ դեռ չարչարվիր, հայր,
 թեև առաջինն ինձ դու ես գտել
 խոտ ու փշի մեջ ու կոչել ծաղիկ,
 քո ձեռքն է անվերջ ինձ համար արնել,
 բայց սիրտդ դեռ ինձ չի տեսել կարգին
 և թող որ ցոլամ, բաբախեմ, այրվեմ
 աշխարհում թողած հետքերիդ վրա:

Մեր բարձր շողջող Արևն ասում է.—
 ցանկապատի մոտ դեռ չարչարվիր, հայր,
 ես լույս կտամ քո հոգուն, մարմնին,
 իսկ դու բաշխիր ինձ քո ջերմությունից
 և պահպանիր ինձ ձմռանից տամուկ
 և ցուրտ ամռանից պահիր-պահպանիր—
 ինչ արած, քոնն է այս դարը դժվար,
 ո՞ր դարը մարդուց չի ուզել պինվոր
 իր ցանած արտի ու սիրո համար:

Տոհմիկ հայկական մեր Խիղճն ասում է.—
 ցանկապատի մոտ դեռ չարչարվիր, հայր,
 քո մի բուռ հացից մաս տուր հավքերին,
 անցորդին, քամուն և տոկա, տոկա,
 քարն այդպես է, որ խաչքար է մնում,
 և հողն այդպես է աճում երկրից
 առ երկինք ելնում, դառնում հայրենիք:

ԻՄՐ ՄԻ ԳՅՈՒՂ Է

Իմը մի գյուղ է՝
 միշտ դաշտից դարձող,
 ծնկահար թաղված ձյան ու ծաղկի մեջ,
 աշխարհի վերելք, դժվար ճամփեքին:
 Ինձ այնտեղ բերեց մի ճերմակ գառնուկ,
 որ երկնի դրան կապված է հիմա
 ալ ժապավենով:
 Իմը մի գավ է՝
 հունցված առաջին բրուտի ձեռքով,

լի պռկեպոռունկ անձրևով, սիրով,
 որ ծարավիս լոկ ծարավ է տալիս:
 Իմը մի խոսք է,
 որ ես ասում եմ
 արդեն երեսուն տարուց ավելի
 ու չեմ ստանում կարգին պատասխան,
 և մի սև գառ է,
 որ երկրի դռանը ծաղիկ է քաղում
 ու սպասում ինձ:

ԱՅՍ ԺԱՄՓԱՆ

Ո՞վ շնորհեց ինձ այս ճամփան,
 որ հասցրեց լեռան կատար՝
 բայց դեռ էլի ցած չբերեց,
 պիտի արդեն ես գնայի
 լեռնից էլ վեր,
 տանեի լեռն իմ ետևից,
 պիտի արդեն ես դնեի
 ժայռը ժայռին,
 հող լցնեի հողի վրա,
 ջուր հեղեի ակոսներին...
 Քանի հովիտ պիտի լիներ .
 իմ հոգու մեջ խուլ ծվարած,
 որ շաղ տայի լեռան վրա
 ու լեռը գար իմ ետևից...
 Ո՞վ շնորհեց ինձ այս ճամփան,

որ ես անցնեմ մի ամբողջ կյանք՝
 ընդամենը քաղեմ մի վարդ,
 մի խոսք, մի հաց ու մի համբույր
 աստծո շնայլ անդաստանից:

ԱՐԵՓԱԿԻ ՆԵՐՔՈ

Նա հստակ գիտե բոլորիս տեղը,
 նա տեսնում է մեզ հեռու և մոտիկ ճամփեքի վրա
 մեր մեծ ու փոքր հետքերին կապված,
 մեր ողջ իղձերը ձգվում են դեպի նրա կրակը
 ծառի, ծաղիկի ու մանկան տեսքով:
 Ուրեմն էլ ինչո՞ւ մրաջուր խառնել շքեղ պատկերին
 ու դուրս վտարվել գարնան պարտեպից:

Նա բաց է անում սեփական լույսով մեր փակ
 սրտերը

մեզ սուլում սիրո խաղաղ ջրերում—
 ուրեմն էլ ինչո՞ւ անհոգի խոսքեր,
 ուրեմն էլ ինչո՞ւ չարության սերմեր
 ցորենի արտում, հացի հետ խառնած,
 ուրեմն էլ ինչո՞ւ թաքնվել սիրուց
 և ապրել թախծի, ցրտության կողքին:

Նա իր սեփական քաղցրությունից
 մեզ համար հաց ու երազ է հունցում

և ամեն մեկիս համար այրըվում մեր կյանքի
 չափով,—

ուրեմն էլ ինչո՞ւ կեղծ ու պատիր երգ,
 ուրեմն էլ ինչո՞ւ ջուրը մտնելուց,
 կրակն ընկնելուց տատանվել մի կյանք,
 մնալ-օրորվել ծառերի կողքին՝ բայց ծառերից վատ,
 մնալ-դայլայլել հավքերի կողքին՝ բայց հավքերից
 վատ:

Նա մեզ ասում է՝
 նրա համար են լույսս հղում ձեզ,
 որ իմ կյանքի չափ ճանապարհ անցնեք,
 և դողաք ամեն անցնող-գնացող ամառվա համար,
 իսկ ավելի շատ՝ եկող ամառվա,
 որ ձեզ է գալիս երկրային մի ողջ
 հավիտենության ճանապարհ անցած:
 Ուրեմն էլ ինչո՞ւ վաղաժամ լքել
 սերը՝ քեզ եկող, վարդը՝ քեզ պարզած,
 ռերեմն էլ ինչո՞ւ հալածել երկրից
 տաղը, խնձորը, լուսնի տավիղը,
 էլ ինչո՞ւ թափել գինու գավաթը ջուրթերիդ հասած:

ԾԱՂԻԿԸ

Այս աշխարհում վարմանալի
 ցոլաց փոքրիկ, խիզախ մի կյանք
 գործված ամռան տաք լույսերից,
 մարմինն հողի թռիչք՝ սանձված,

սիրտն արցունքի արծաթ դողանջ,
շարժունը՝ բույր, սերն՝ առեղծված:

Շարժունը՝ բույր, սերն՝ առեղծված,
սիրտն՝ արցունքի արծաթ դողանջ,
այս աշխարհում վարմանալի
նա երապեց ցավ ու խինդի
հաշտությունը անհնարին:

Նա երապեց ցավ ու խինդի
հաշտությունը անհնարին,
մինչև որ իր աստղի կամքով
նույն բախտի մեջ ծնունդ առան
իր իսկ բաժին օձն ու մեղուն
և օձը՝ իր հոգին խայթեց,
մեղվից լոկ շուրթը քաղցրացավ...

Այս աշխարհում վարմանալի...

ԻՄ ՄՈՐ ԱՆԳԻՆ ՆՎԵՐՔ

Իմ նշանը սերն է,
որ թողնում եմ ուր պատահի:

Աստղը, որին հնազանդ եմ,
ինձ հալածում է՝ ուր պատահի:

Իմ պահը մանուկ լույսն է առավոտի
աշխարհ եկած սիրահոծար:

Սիրոս, որ իմ լացի գավն է,
դատարկում եմ ուր պատահի:

Իմ թռիչքը քսվում է անկումի սև պատերին
և ինձ անվերջ տանում դեպի լույս աշխարհ:

Երգը, որ իմ մոր անգին նվերն է,
ես կորցնում եմ ուր պատահի:

ԴԺՎԱՐ ՇԱՐՈՒՆԱԿՈՒԹՅՈՒՆ

/ ՊՈԵՄ /

ԴԺՎԱՐ ՇԱՐՈՒՆԱԿՈՒԹՅՈՒՆ

(Պոեմ)

I

Խոր ինքնասուզման երանության մեջ
ես ճաշակեցի անհամար բառեր,
և բյուր պատկերներ աչքս շոյեցին:
Բայց նրանց թողած գնացի երկար
պատմության միջով, տաղի, արցունքի
և պաղ լռության եպրերով խավար,
որտեղով միայն տնցնում է հոգին:
Ու տեսա Հողը, Ջուրը, Ծաղիկը
Մարութա լանջին, սիրո մեջ ցնծուն,
Իմ Սիրուն պապը նրանց սրտերից
աստժո նման մեր սկիպն էր հուսնում:

Ես տեսա հստակ, որոշ ամեն քան,
 մեր գյուղը՝ կեցած Մարութա սարին,
 անտառի խորքում, ծմակոտ՝ Ծման
 բույրի մեջ տանձի, խունկի, մեղրի:
 Ու իմ փայտագործ հոգնատանջ տոհմը
 իրիկնահացի սեղանի առաջ,
 տատիկներ շարժուն, հարսիկներ նախշուն
 ու օրորոցներ՝ քառասունից շատ:
 Երբ հասա այնտեղ, մանուկ էի արդեն,
 իմ մայրերը ինձ դրին օրորոց,
 այնտեղ արարման օրերն էին դեռ
 և չէին ջոկվում մարդ, աստղ ու բոց:

2

Ես հասկացել եմ, համոզվել խորին,
 որ մարդը կա իր ծնունդից առաջ
 իր ցեղի բոլոր ժամանակներում
 իբրև սեր, կարոտ, կռիվ, ափսոսանք՝
 ցեղի տենչերում և խոյանքներում
 անանուն փակված:
 Անանուն, քանզի իր մարմնում չէ,
 բայց դուրս է հորդում, ելնում լայն աշխարհ
 ցեղակիցների ողջ սերերի հետ,
 սիրում է, սակայն չի հալվում սիրուց,
 կարոտում է, բայց թռչուն չի դառնում,

ցեղակցի կամքով
 կռվում է, բայց չի մեռնում նրա հետ,
 պտտվում է հար, հոլովվում խրթին
 ցեղի տենչերում և խոյանքներում
 այնքան ժամանակ,
 մինչև որ կավը խապառ հասուննա—
 մարդն առնի մարմին ու իջնի աշխարհ՝
 ծննդյան օրից կարգված իշխան
 իր ժողովրդի
 և կորուստներին և գանձերին թանկ:

Յ

Իր եղբոր անվամբ ինձ կոչեց պապս
 քառասունիննի դեկտեմբեր ամսին,
 երբ ցուրտ էր դաժան և հացն էր պակաս
 և գերմանացու վերքն էր դեռ ուսին...
 «Եղբայրս,— ասաց,— վարպետ էր ընտիր,
 խորոտ-մորոտիկ օրոցք էր սարքում,
 գդալ ու շերեփ, արոր ու հատիչ
 ու տանում Մշո շուկայում ծախում:
 Ինչ խաս վարպետ էր, նայում էր փայտին՝
 փայտի խորքերից նախշն ելնում էր դուրս,
 հետն էլ երգում էր խորն ու անուշիկ,
 երգը լցվում էր, ծաղկում նախշերում:
 Է, նրա նախշուն օրորոցները
 մինչև հիմա էլ օրորվում են դեռ
 Սասնա սարերում ու Մշո դաշտում,
 կողերին նիրհած թրքուհի մայրեր...»:

4

Մարութա սարից իջնում էր ներքև
 մի ոսկե տղա,
 արևն ասում էր՝ դու ինձ վառեցիր,
 ջուրն ասում էր՝ քո ծարավին եկա,
 ծաղիկն ասում էր՝ քո հետքն ինձ բերեց,
 սերը ասում էր՝ բախիր իմ դուռը:
 Մի ոսկե տղա՝ արևի, ջրի,
 ծաղկի ու սիրո փրփուրների մեջ,
 չարի ու բարու բարդ հոլովույթին
 անգիտակ իսպառ,
 իր ցեղի բացած միամիտ ճամփով
 Մարութա սարից իջնում էր ներքև,
 դեպի մեծ աշխարհ:

5

Խոր ինքնասուզման երանության մեջ
 ես հասա Սասուն, մնացի այնտեղ
 մինչև սև օրը ջարդի ու գաղթի:
 Ջահել վարպետը Մուշից ետ չեկավ,
 պոկվեց իր շքեղ հորինվածքի մեջ,
 պարդ ու նախշերը ցիրուցան եղան
 երկրի վրա ու երկնքով մեկ:
 Չոկվող-հեռացող շարքերի վրա,
 աշխարհին իջած հորիպոնին սև
 լուսավոր գծով ձգվեցին դանդաղ

փայտից համբարձած ոգեղեն նախշեր:
 Սակայն դա գաղթ չէր: Նախշերի երթը
 հորդուն էր Սասնա աշխարհի սրտից,
 անցնում էր վերից ու մարդկանց հոգուն
 շիթ առ շիթ հղում լույսը ամոքիչ,
 լույսը արվեստի, ոգու ցնծության,
 լույսը պատմության, չընկրկող հունի,
 լույսը, որ գիտի երկնային ճամփա,
 որ գաղթի պահին անգամ գաղթ չունի:

6

Ժանգոտ, մոխրագույն գծերով գործված
 մեր գյուղը՝ կպած Արագած սարին—
 վարդ էր, աղջիկ էր՝ դառը պատժված,
 հենց շարժվեր՝ ոտքը առնում էր քարին:
 Չեռքին անձրևի դատարկ սափոր էր,
 շուրթին՝ անուշ երգ անձրևի մասին,
 ոտքին՝ օձի փուշ, կծու օջիհդր,
 գյուղը ճոճվում էր Արագած սարին:
 Ամառն էր գալիս՝ շեկմալ բորենի,
 հարավից քշված՝ քար ու հող լիվում,
 երկնքի դիմաց անպոր, թևաթափ
 մեղկանում էին մարդ ու անասուն:
 Քանի՞ այգի էր փրկվում բորենուց,
 չգիտեմ, մերը միշտ կոհ էր գնում,
 ես մի անգամ սուրբ Փետրգի ուխտին
 խաղող գողացա դրկիցի այգուց:

Հայրս շատ ծեծեց, մայրս լաց եղավ,
 նկոպեցին բախտ, ժամանակ ու դար
 ու սուրբ Գևորգին արին աղաչանք.
 — Անառակ որդուն վերցրու, մեզնից տար:

Իսկ մի իրիկուն մեր փոքրիկ բակից
 ինչ որ ձայներ ինձ տարան իսկապես,
 ծիրանի ծառով բարձրացա քիչ-քիչ,
 մթնող լաջվարդի եզրով ելա վեր,
 դիպա մեր Կապույտ աղբյուրի շիթին
 երկնի ակունքում ու խմեցի կուշտ,
 ճաշակեցի մեր խաղողը հակինթ,
 որ ձգվել երկնի այգում էր աճում:
 Հետո էլ ինչեր ճաշակեցի ես,
 գույն ու ելևէջ, համբույր ու թրթիռ,
 երանությունից ծաղկել էր աչքս,
 լուսավոր մի հավք դիպել էր սրտիս:
 Թե երբ դարձա ետ՝ ինքս էլ չիմացա,
 մայրիկը հոգնած նիրհում էր դրսում,
 հայրիկը հսկա գերանդուն կռթնած՝
 սրում էր, սուլում, բարկանում, խոսում:
 Ես հորս ասի՝ հենց նոր երգ տեսա
 ծիրանի ծառին, մարգերում, օդում...
 Հայրս նայեց ինձ՝ շվարեց, մնաց,
 շատ էի փոխվել, ինձ չէր ճանաչում:

Ինձ ճանաչում էր ջուրը
 մշտահոս, զվարթ,
 և լռությունը ծանր
 փշի պես ելած
 ջրի հենքերից,
 ինձ ճանաչում էր Աստղը
 խորունկ երկնքից,
 նրա սուրն ու համբույրը
 իջել էր սրտիս
 և սերը ցնծուն, սերը,
 որ ինձ էր նայում
 գիշերից ու ցերեկից:
 Ինձ ճանաչում էր արդեն
 և խավար քարը,
 որ մութ, լեռնիթաց սողքով
 ելնում էր դեմս—
 այդտեղ, փորձության քարի
 ծանրության առաջ
 հավիտյանս ավարտվեց
 ինձ տանող ճամփան:
 Արդեն երազն էր հեռու
 ու դեմս էր վերելք,
 արդեն ես ճամփան էի
 ու ճամփորդը նաև...

8

Ինչ գիշեր էր, մրից խավար,
 գառները տուն չէին եկել,
 տնով-տեղով ոտի ելանք,
 առանց իրար բան ասելու
 հայրս գնաց սարերի կողմ,
 մայրս դեպի դաշտը գնաց,
 եղբայրիկս դեպի հյուսիս,
 իսկ ես՝ հարավ:

Ինչ գիշեր էր, մրից խավար,
 հետո բարակ անձրև եկավ,
 ժամերն անցան ծանր-ծանր,
 մինչև մզլած բամբակի պես
 լույսը բացվեց:

Պյուղից հեռու մի հովտի մեջ
 հանդիպեցինք՝ խոսքներս մեկ արածի պես,
 ոչ մի գառ էլ չէինք գտել,
 հորս ուսին մի խուրձ ցախ էր,
 մորս ձեռքին՝ կակաչի փունջ:

Պյուղից հեռու մի հովտի մեջ,
 մեծ աշխարհի մի խուլ խորշում
 իրար գրկած բոլորս այնպես
 լաց էինք լինում դառն ու անուշ,
 դառն ու անուշ իրար գրկած:

Այդ օրը ես նոր հասկացա՝ գտնելն ինչ է
 և մանավանդ կորուստն է ինչ:

Ինձ թվում է միշտ, որ ես ապրում եմ
 նաև կյանքով այն ջահել վարպետի,
 որ վարմանալի տեսիլքների մեջ
 հասկ ու ծաղիկ էր հանում փայտերից:
 Երբեմն, որ իմ անունն են տալիս,
 մեջս շարժվում է վարպետը ջահել,
 իր անվան կանչին դառնում ունկնդիր,
 լեզվովս աշխարհին ասում է՝ բարև:
 Տանում է հաճախ ինձ իր քայլերով
 և իր աչքերով ինձ ասում՝ նայիր
 ծառին, երկնքին, գույներին փողփող,
 ծով շարժումներին, լռությանն անծիր:
 Ինձ տանում է մի ծաղկի ետևից,
 տանում փշերով, ծերպերով ընկած,
 հորդորում՝ հասիր և մի երկնչիր,
 գեղեցկությանը մեծ-փոքր չկա:
 Երբեմն երգում է իր սիրո մասին
 հեռավոր, անցած գույներով հորդուն,
 այդ պահին ինչ որ աղջկա կողքին
 հնաոճ եմ խիստ, օտար իր հոգուն:
 Իսկ երբ անձրև է գալիս անպատեհ,
 տխրում է, դառնում գիշերվա անդունդ,
 ինձ ասում են, թե ինչ է պատահել,
 մթնել ես, ասես տունդ է կաթում:

Եղավ, որ ներդաշնակ աշխարհը
 իմ ջուրջը քանդվեց գիծ առ գիծ,
 ամեն ինչ՝ սիրելի և օտար
 բեկոր-բեկոր հեռացավ ինձնից...
 Մի կյանք ամեն ինչ մնաց այդպես խան,
 մինչև լույսը արարեց կրկին
 բոլորովին մի ուրիշ աշխարհ:

Սեղմվում ու բացվում էր օդը,
 հողը փախչում ու կանգնում էր իմ դեմ,
 կյանքն ինձ կպել էր կրակի պես...
 Եվ ինչ էր եղել. ընդամենը
 մի աղջիկ ասաց՝ սիրում եմ քեզ,
 ասաց՝ տեսնում եմ, առաջինն եմ,
 ոչինչ, մի դողա, ի՞նչ է եղել,
 բոլորս էլ մեր կյանքում մի անգամ
 ունենում ենք այդպիսի մի թանկ դող,
 դե խոսիր, թե մտքիդ մի բան կա,
 չեմ սիրում տղաներին վախկոտ:

Այդ պահին ես ինչ իմանայի,
 որ իմ ուսին դեռ շատ-շատ հետո
 պիտի նստի սիրո աղավնին:

... Սեղմվում ու բացվում էր օդը,
 հողը փախչում ու կանգնում էր իմ դեմ,

կյանքն ինձ կպել էր կրակի պես,
 ես վզում էի իմ նոր ծնունդը,
 բայց այս անգամ արդեն ուրիշ կերպ—
 ես ոչ թե իջնում էի վերից,
 այլ ցածից էի ելնում վերև:

11

Երգեր տեսա ծիրանենուն
 և հնձվորի ուսին նստած,
 աղջիկների փակ սրտերում
 և քարերի սրտերում բաց:
 Ջահել վարպետն ինձ հետ էր միջտ,
 մտնում էինք վնգուն, վստահ—
 երգի բացած ոսկե դռնից
 կամ միասին մնում ձյան տակ:
 Նա բեռ չէր իմ կյանքը մաշող,
 նա հոգի էր չխարակված,
 պտտվում էր մեջս ցավով,
 հում կավի պես փնտրում քուրա,
 բառի կես էր ու թռչնի կես,
 սիրո կես էր, կես՝ երապի,
 պտտվում էր, վառվում մեջս,
 որ միանար իր մյուս կեսին:
 Նա հոգի էր, հույսի նշան,
 համ էր, բույր էր ու նուրբ թրթիռ,
 որ եկել էր մի օր աշխարհ,
 բայց չէր հասցրել առնել թռիչք:

12

Ջահել վարպետն ինձ հետ է միշտ...
 Ես քաղում եմ վարդ ու հնչյուն,
 տազնապ ու լույս, երապ ու ճիչ
 երկնի-երկրի երակներում,
 հյուսում նրանց՝ մի մարմնի մեջ,
 ապա գծում ծնունդն այդ նոր
 ոսկեփայլով հորս ուժի,
 մորս թողած ծարավ-սիրով:

Ջահել վարպետն ինձ հետ է միշտ...

Նրա նշանն իջնում է ցած,
 լույսով գծում երկրի ճակտին
 ոսկի խաղող ու ոսկի հասկ,
 նշխար-նշխար երգի սրտում
 անձրևում է հնօրյա սեր,
 վաղնջական խինդ հապվագյուտ,
 որ այս հողին են արարվել:
 Բերում է դեմս անցյալը մեր՝
 նախշկեն մի գորգ՝ քամու տարած,
 վրան՝ աստղի երապ փայլեր,
 շուրջը լուսնի մոխրե խավար:

13

Աստծո մի օր խլրտաց մեջս
 կավը գոհության,
 սիրո աստղերը բոլորեցին ինձ,
 համբույրներ տվին

ու կյանքիս վրա անհուն ցնծությամբ
 ցնծաց մեղեդին միակ դրախտի:
 Քաղցրիկ հույզերում, արդար խոհերում,
 պտտվեց կավը, հոլովվեց դժվար
 ու կավի սրտից ճախրեց լուսածիր
 մայրենի լեզվի,
 տոհմական խղճի,
 արյան,
 պատմության
 կենսական մի փունջ՝ առաջնեկ որդիս:
 Բայց նա չիմացավ, որ իր ծննդյան
 առաջին պահից
 սրտին միջից իր սրտիկին ծորաց
 ջահել վարպետի կիսատ երազից
 ու կիսատ սիրուց մի անուշ պատառ,
 մի դժվար պատառ:

14

Ինչպե՞ս քո ժանգը դարձավ ոսկեգույն,
 մոխրագույնն՝ արծաթ, ինչպե՞ս եղավ, որ
 կարծրությունը պատժված հոգուդ
 ցոլ տվեց, դարձավ հարսանյաց խնձոր...
 Դու այն նույն վարդն ես՝ ցնծուն թերթերով,
 աղջիկ ես՝ այգու եզրին կանգնած,
 ուսիդ անձրևով փխրուն սափոր,
 շուրջդ կանաչ օր, կանաչ մանուկներ,
 վարթ երգ ու խաղ, աստղիկ ու մեղու...

Մանուկներիդ մեջ ես էլ կամ, գիտեմ,
բայց ո՞րն եմ երբեք չեմ իմանալու:

15

Այնպես հեշտ ու այնպես դժվար
ապրում եմ կյանքն ինձ ընծայված,
հեշտը օրերն են իմ անկարգ,
դժվարը երգն է ու հացը:
Հեշտը գործերն են առտնին,
որ անում եմ կամ չեմ անում,
դրանց համար ինձ չեն գովում,
ոչ մանավանդ հանդիմանում:
Հեշտն աշխարհի մեջ լինելն է,
վայելքներում հապար հապար,
դժվարն երկրիս հետ լինելն է՝
բառերիս մեջ խոսքը նրա:
Հեշտը կանգնել-ընդհատվելն է,
դժվարը երթըն է անկանգ
և ծնվելը ցավի միջից
որպես խղճի, սիրո՞ վավակ,
բայց նույն պահին հար հարազատ
լինել հայրը խղճի, սիրո,
ամեն վայրկյան գալ անցյալից,
ամեն վայրկյան լինել միշտ նոր:

ԲՈՎԱՆԴԱԿՈՒՓՅՈՒՆ

Ե Ր Ա Ն Ե Ն Ի թ ա խ ա ու շ ն ո թ ք

Ծիրանենի	3
Այս կյանքն ի վեր	4
Մարդու կյանքը	5
Ուջանցի ծերունին	6
Տուն արի	6
Սրտի բեռը	7
Զարմանք կյանք	8
Հրաշք	9
Ծառը	10
Խոսք իմ մեծ պապին	11
Բայլադ մեր տան մասին	12
Արևհատ տեսիլք	14
Ծննդավայր	15
Շաբաթուրդ	16
Մայրը	18
Մի երգի չափ ու լացի	19
Մի իրիկուն	20
Ախր ինչպե՛ս եղավ	21
Այդպես դու կյանքում	23
Կոմիտաս աստղը	24
Էյ, Մոսիկ վարպետ	24
Նահապետ Քուչակ	26
Բաբդու վրա	27
Բարով եկա, բարով գեամ	28
Այսպես տեսա	29
Զվարթուց	30
Աշուն օր	31
Երգն ինձ ասաց	32
Ղուկաս տղա	33
Խաղաղություն—ծաղիկը	34

Երանելի բախտ ու շնորհ

Երանելի բախտ ու շնորհ	37
Ա. Այս աշխարհում	37
Բ. Ես ինչպե՞ս եկա	38
Գ. Ծաղիկն ինձ ասաց	38
Դ. Տորեան ինձ ասաց	39
Ե. Ձայրն է ցոլում հորդ...	40
Զ. Անանուն գրիչ	40
Է. Աղջիկները ակից էլ ջուր չեն տանում	41
Ը. Ես անցնում էի քարերի միջով	42
Թ. Ես տեսել եմ անձրևի լաց	42
Ժ. Տարիքիս լեռը ելնե՞լիս	43
Ի. Գնում եմ դարձյալ	44

Մ ա չ ր ա մ ե

Ի՞նչ ասացի, ի՞նչ ասացիր	46
Բաց թող, ասացիր, վարդի թուփը	47
Արև էր, արև կանաչ-կարմիր	48
Մայրամե	48
Այս ամռան գինը	49
Մի ասա	50
Ես գոհ եղա հավիտյանս	51
Աղջիկը	53
Հուլիս	53
Մի ներիր ինձ	55
Երևի	56
Կանաչ օր	57
Ինչպե՞ս անուշ հոփիսվածք	57
Լուսաստղ-նշանիս մատանի	59
Աշուն	60
Խնձոր ես կարմիր, կարմիր	60
Մի անցորդ մարդ խմեց, գնաց	61
Ի՞նչ իմանաս քաղե՞ի անգամ	62
Կանչեմ	63
Անձրևը	64
Այս ձյունը, այս երգը	65
Հարախաղին	66
Աղբյուրը բխում է քարից	67
Կանաչ-կանաչ	67
Դժվար հրամեջը	68
Միրո, երգի ցնծության մեջ	69
Ծանր պար	70

Ամստային ռիթմ	71
Աշխատային	72
Գնամ հիմա	73
Հին է սիրո այս շարժումը	73
Պարտահանդեսում	74
Երգի ու թո միջև	75
Երգ	76
Համբարձում	77
Պատկեր գուղական սրբով	78
Վարար անձյն	79
Կանչեցի՝ տերև, տերև	80

Ի պ ա հ մ ա յ ը հ ո ղ ի ն

Ասող և աստղափուշ	82
Երանություն	83
Աշտո Երկաթի ոսկե փուշը	84
Մանուկ արքայազնի ձայնը	85
Ի պահ մայր հողին	87
Փոքրիկ հրաշք անկյունը	88
Անուղղելի էմ	89
Լուցկին	90
Չյունը	91
Եթազի պես	92
Չէ որ դա էլ շնորհ է մեծ	93
Դարձյալ փուշն է խլրտում	94
Երկրի չքնաղ վաթղերի մեջ	96
Չայնը	97
Կանչ	98
Խոր ձմռան մեջ	99
Մի՞թե այնքան շատ գանձ եմ կորցրել	100
Անցվոր ջրի ափին	101
Անբառամ ծաղիկ	102
Համատար	103
Դեռ չարչարվիր, հայր	104
Իմը մի գրուղ է	105
Այս ճանփան	106
Արեգակի ներքո	107
Ծաղիկը	108
Իմ մոր անգին նվերը	109
Դժվար շարունակություն (սրեմ)	111

**Ղուկաս Տիգրանի Սիրունյան
ՄԱՅՐԱՄԵ**

Բանաստեղծություններ

**Сирумян Гукас Тигранович
МАЙРАМЕ**

Стихи

(На армянском языке)

**Издательство «Советакан грох»
Ереван 1984**

Խմբագիր՝ Դ. Ս. Սարգսյան
Նկարիչ՝ Ֆ. Ա. Գուլանյան
Փեղ. խմբագիր՝ Գ. Խ Գյուլամիրյան
Տեխ. խմբագիր՝ Ս. Գ. Շահվերդյան
Վերատպող սրբագրիչ՝ Ա. Ս. Աբրահամյան

ИБ № 4955

Հանձնված է շարվածքի՝ 15. 06. 84 թ.:

Ստորագրված է տպագրության՝ 2. 08. 84 թ.:

Ֆորմատ՝ 70×90^{1/32}: Թուղթ տպագրական № 2: Տառատեսակ՝ «Մնացականյան»: Տպագրություն՝ բարձր: 4,68 պայմ. տպագր. մամ., 4,75 պայմ. ներկ. թերթ., 4,3 հրատ. մամ.:

Պատվեր՝ 1384: ՎՖ 09409: Տպաքանակ՝ 3000: Գինը՝ 45 կ.:

«Սովետական գրող» հրատարակչություն, Երևան 9, Տերյան 91:

Издательство «Советакан грох», Ереван-9, ул. Теряна 91.

Հայկական ՍՍՀ հրատարակչությունների, պոլիգրաֆիայի և գրքի արևտրի գործերի պետական կոմիտեի Արևաշատի շրջանային տպարան:

Арташатская районная типография Госкомитета по делам издательств, полиграфии и книжной торговли Арм. ССР



ՂՈՒԿԱՅ ՄԻՐՈՒՆԱՆԸ ՅԷՔԻ, է 1949
 թվականին. Ուրան գյուղում: 1971 թ.
 սփյուռնի է երևանի պետական համալս-
 տարանի բանասիրական ֆակուլտետը:
 1977 թ. լայն է բնօրինակ բանաստեղծու-
 րյունները առաջին անգամ՝ լեռնային լեռ-
 անքի գործերը առաջադրելու խնդրով: Այ-
 նույն թվականին նաև նախկին Երևանի
 «Հիմար համփարզներ» մանկական գրո-
 տային (1980 թ.) և «Երևան» (1987 թ.)
 թղթակազմում:

«Մայրամուտ» բանաստեղծությունների
 ժողովածու է:

«ՍՈՎԵՏՍԱԿԱՆ ԳՐՈՂ»